

DISPUTATIO MEDICA

DE

# HYDROPE ASCITE,

Q V A M

D. O. M. A.

CONSENSV INCLVTÆ FA-  
CVLTATIS MEDICAE

PRAESIDE

VIRO MAGNIFICO, AMPLISSIMO  
ATQVE CLARISSIMO

HERMANNO CONRINGIO

PHILOS. AC MEDIC. DOCTORE, HVIVSQUE  
IN ILLVSTRI IVLIA PROFESSORE PVBL. LON-  
GE CELEBERRIMO, HODIE ITEM PRORECTORE, ET  
FACVLTATIS MED. DECANO SPECTABILI, CON-  
SILIARIO INTIMO ATQVE ARCHIATRO  
ILLVSTRISS. COMITIS FRISIÆ  
ORIENTALIS, &c.

DN. PRÆCEPTORE AC PROMOTORE SVO  
ÆTATEM VENERANDO  
PRO SUMMIS IN ARTE MEDICA HONORIBVS  
AC PRIVILEGIIS DOCTORALIBVS  
IMPETRANDIS

PVBLCO EXAMINI SVBIICIT

JOANNES HENRICVS *Bosser*  
HELMSTADIENSIS.

IN AVDITORIO MAIORI  
AD D. XXX. DECEMBR. A. clb l c L

— (O) —

HELMESTADI,

Typis HENNINGI MVLLERI Acad. Typ.

Anno clb l c LXXII.

THE  
HISTORY OF  
THE  
CITY OF  
NEW YORK  
FROM  
THE  
FIRST  
SETTLEMENT  
TO  
THE  
PRESENT  
TIME  
BY  
JOHN  
ROBERTSON  
NEW YORK  
1846





Σὺν Θεῷ.

# DE HYDROPE ASCITE

## THESIS I.



Ydrops vocabulum Græcum est, deduciturque forte ἀπὸ τοῦ ὕδωρ & ὥψ, ut sit Hydrops, quasi alpe-ctus aquosus, vel habens aquosum aspectum; ut αἰγίλωψ habens oculos caprinos &c. V. Georg. Henisch *comment. in Aretæum*. Differre autem

τὸ ὕδρωψ καὶ ὕδρωψ apud Hippocratem, jam tum Dioscoridi & Galeno est notatum; ita ut illud affectum p. n. denotet, hoc verò affectu isto laborantem, ὕδρωπειδῃ, ἢ ὕδρωπι-ῶντα. Ioh. Gorrh. *def. med.* Anut. Foësius *Oecon. Hipp.* C. Hoff-  
man. *Inst. lib. 3. cap. 67.* Nec etiam τὸ ὕδρωψ semper idem signifi-  
cat in Hippocraticis scriptis *Lib. 1. & 4. de morb.* pro ichore seu  
aqueo corporis humore sumitur; *lib. de nat. puer.* pro aquâ quæ  
partu instante excernitur, *lib. 4. de morb.* pro seroso humore san-  
guinis; sæpius verò pro tumore corporis orto ex seroso humo-  
re, idemque significat, quod ὕδερ, ὕδρωπις, Celso Aqua in-  
tercus.

II. Quùm verò non semper eodem modo sese habeat tumor ille corporis, sed pro ratione materiæ peccantis & loci affecti diversus sit, hinc quasdam Hydropis species cùm veteres tum recentiores constituerunt. Author *lib. de rat. vict. in morb. acut.* duas tantùm agnoscere videtur, dum ita scribit: Hy-  
dropum cùm duæ sint naturæ, hic quidem, qui hypofarcidios dicitur, ubi  
hominem aggreditur, evitari non potest, alter verò cum flatibus multam  
felicitatem ad curationem dequiri &c. Galen. *comm. in istum locum*  
hanc distinctionem minimè sufficientem judicans, triplicem



hydropem statuit, ἀσκήτην, τυμπανίτην & ἀνασάρκαν seu λευκοφλεγματίαν. Hunc sequuntur Trallianus, Aëtius, Paulus, Arabes, alij. Aretæus verò (qui Galeno ætate videtur fuisse prior) lib. 2. de caus. morb. diut. cap. 1. ἀνασάρκαν diversum facit à λευκοφλεγματίᾳ, dum inquit: si ex albâ pituitâ crassâ & frigidâ sc. corpus intumescat, leucophlegmatias ei nomen est, si in humorem sanguineum aquosum, tenuem carnes liquata fuerint hydrops anasarca generatur, &c. Stephanus Atheniensis quinque ejus species recenset, & ita distiuguit: Intumescit aut venter aut caro: si venter vel sola aqua colligitur, & hydrops dicitur, vel flatus & aqua, ac si aqua superet, Ascites vocatur, si flatus Tympanites; si caro intumescit, rursus vel sola aqua colligitur & fit anasarca, vel aqua cum flatu & fit hydropisis. Aliam denique & prorsus novam hydropis speciem addere sategit Hercules Saxonia præct. med. lib. 3. cap. 32. quæ scilicet ex sanguine recens in ventrem effuso oriatur.

III. Verùm Author quidem ille lib. de vict. rat. in acut. aut sub eâ specie, quam μετ' ἐμψυσημάτων vocat, Asciten comprehendit, ut vult Galenus aut sub eâ, quam ὑποσπληνίδιον, ut vult Cæsalpinus art. med. l. 7. c. 25. quod verisimilius. Hydropisis vero Stephani & anasarca tum Aretæi tum Stephan: ad cachexiam referri potest, ortam ex continuis & longis febribus, nec tam vitio epatis fit; quàm solidarum partium. Et hydrops Stephani Leucophlegmatia est, quemadmodum hâc de re judicat Georg. Henisch. comm. in Aretæum. Ea verò species de quâ Hercules loquitur, ne quidem huc referri potest. Vide Nic. Tulp. lib. 2. obs. c. 40.

IV. Receptior longè est illa Galenica distinctio, quâ ut dictum, dividitur hydrops in Anasarcen, Tympaniten & Asciten. Et primò quidem Ansarca seu Leucophlegmatia dicitur, in quâ universa corporis moles per carnem aut sub carne (ἀνὰ σάρκα ἢ ὑπὸ σάρκα) pituitoso & albo humore suffuso intumescit, quæ Latinis propriè aqua intercus appellari posset, eò quod  
inter



*inter carnem & cutem aqua colligatur ut scribit Hier. Mercurial. l. 6. c. 16. var. lect. & Lud. Duretus comm. in Coac. Hipp. p. 327. ii. Tympanites aut Tympanias in quo venter imus flatu crasso præcipue turget, & percussus tympani sonum edit, unde & nomen accepit, Hippocrati  $\xi\eta\eta\epsilon\varsigma \upsilon\delta\epsilon\omega\psi$ . iii. Ascites, in quo idem venter seroso humore impletur, non secus ac  $\alpha\sigma\kappa\iota\varsigma$  seu uter aqua repleri solet; quem Latinis veterum dici, Mercurial. l. c. ex Plauto & Festo probare conatur, fortassis tamen minus rectè.*

V. Nos omiſſis duabus prioribus hydropis differentiis, ut & illis quæ à parte peculiari nomen fortiuntur, ceu sunt hydrops capitis, pectoris, uteri &c: in Ascitis naturam paulò accuratiùs nunc inquiremus, ut qui præcipuè hydrops dici meretur, cæteræ verò species tantum per hujus similitudinem, ut loquitur Iachinus in *9. Rhas. cap. 2.* Atque initiò quidem τὸ ὄν, sive historiam eorum omnium, quæ circa hunc morbum accidere solent, in quantum illa est usu cognita, enarrabimus, ut tò rectiùs dein causas, quoad fieri licet indagare possimus. Scilicet, quum ea, quæ sensibus & experienciâ cognoscuntur, sint aliorum cognoscendi principia, etiam meritò primo loco de illis erit agendum.

VI. Notæ igitur, quibus ascites sese prodit, sunt & visu & tactu & auditu facillimæ, ut habet Aretæus *lib. 2. diars. cap. 1.* Et quidem primò in oculos incurrit tumor abdominis, qui etiam hic genus & subjectum morbi constituit. *Gal. lib. de tumor. p. cap. 16. & lib. 14. M. M.* Intumescit autem abdomen plerumque sensim & vix animadvertentibus ægris, interdum quasi subito & breviori temporis intervallo; quâ ratione hîc excluduntur repentini illi ventris tumores asciten præ se ferentes, quales vidit Anton. Benivenius *obs. cap. 76.* & Nic. Tulpius *lib. 1. obs. 40.* Præterea nunc unum tantum latus tumor occupat, tunc utrumque, ita ut venter quandoque in duas partes diviſus esse, aut duos sacculos utrinque appensos habere videatur;



quale quid vidit Cl. Præses ante hos paucos annos in Episcopi  
 Bambergensis fratre. Nunc verò æqualiter venter distendi-  
 tur, ab hypochondrijs ad pubem usque, costarumque fines  
 & extremitates extrorsum pelluntur. Et tunc tumor latus in  
 quod decumbit, sequitur; supino verò summus ventris ver-  
 tex collabitur, Guarin. *Consult.* 164. & 321. Horat. *Refer. apud*  
*Scholarium cons.* 131. erecto autem corpore sensus ponderis pro-  
 cumbentis in regionem inguinum percipitur. Forest. *lib.* 19.  
*obs.* 29. in Schol. H. Arnisæus *dissep. de hydrop.* §. 42. Et plerumque  
 quidem venter etiam post mortem ita tumidus manet, rarò  
 vero detumescit, quod tamen observavit Guil. Ballon. *lib.* 2.  
*Epid. & Ephem.* p. 270. in duabus mulieribus, quarum utraque  
 cum hydropica foret & aqualiculus ijs valdè distenderetur, par-  
 tim aquis partim flatu aliquo, postquam extinctæ essent, ita re-  
 sedit venter, ac si nusquam intumuisset.

VII. Præter utriforem hunc interdum & alij tumores  
 in ventre oriuntur, de quibus Hyppocr. *Coac. prænot.* §. 452.  
 οἰδήματα τε καὶ περὶ αὐτὸν γαστέρα, τὰ μὲν ὀπί δεξιά, τὰ δ' ἐπ' ἀριστερά, καὶ  
 πάλιν καταπαύεται, tumoresq; modò dextra, modò sinistra parte ventris  
 oriuntur ac rursus desinunt, vel ut prænot. *lib.* legitur; καὶ περὶ τὴν  
 κοιλίαν γίνονται οἰδήματα, τὰ μὲν ὀπί δεξιά, τὰ δ' ἐπ' ἀριστερά, ἴσα μὲν ἄ τε,  
 καὶ καταπαύόμενα. Et circa alvum tumores fiunt, qui partim dex-  
 tra partim sinistra parte oriuntur & desinunt. Quem locum in  
 Coacas transposuit Lud. Duretus, prior enim mancus esse vi-  
 detur, & aliud membrum ex prænot. desiderari, nisi fortè illud  
 πάλιν ad γίνεταί vicissitudinem illam referat. V. Foës. *Comm. in*  
*Coac.* Duretus vocem οἰδήματα retinere maluit & ita vertit: *Quin*  
*& circa ventrem assurgunt, oedemata partim dextra partim sinistra,*  
*quæ modò consurgunt, modò subsidunt.* Ita & Avicenna: *Accidunt*  
*aposthemata in latere dextro & sinistro, quæ occultantur, deinde ap-*  
*parent & plurimum illius fit in asciti.* Et si enim nomine τῶν οἰδη-  
 μάτων Hippocrati & antiquis omnis generis tumores veniant,  
 & Cel.



& Celsus quoque *lib. 2. cap. 7.* istam vocem per Tumores expresserit: hinc tamen propriè intelligi, quos peculiariter Oedematicos recentiores vocant, ex ipso contextu patet, & doctè probat Duretus *comm. ad istum locum.* Nec Auth. *lib. de int. aff.* fortassis aliud vult, quando scribit, ἡ δὲ γαστήρ οὐδέ τις καὶ μεγάλη σπινθὴρ λαπτῆς, *venit nimio humore perbumescit, intumesce, ac pellucet velut laterna.* Atque hinc quidem est, quod in ventris cute sub umbilico in pectivis regione & in dorsi sedibus tumentibus impressa vestigia aliquo usque perseverent, & *relicta fovea paulatim eleventur instar pasta fermentata* ut loquitur Vasc. de Taranta *lib. 5. cap. 7.* V. etiam Plater. Solent autem ejusmodi οἰδήματα post pedum tumorem plerumque accidere.

II. Licet interdum intus tumentia viscera & foris tantum percipere; ita in dextris quidem hypochondriis epatis, in sinistris verò lienis tumor apparet, qui nunc cum magno dolore est conjunctus, nunc sensum tantum gravitatis præbet, & durus admodum est & renitens ἀντιτυπόμενος, V. Auth. *lib. de int. aff.* quandoque verò ob aquæ copiam ejusmodi viscerum tumor non sentitur. Gal. *5. loc. aff. cap 7.* Fern. *cons. 34.*

IX. Porro impulso abdomine aut corpore in alterum latus provolutu, murmur & fluctuatio quædam humoris percipitur, ita Aretæus l. c. *Tangito verò & aliquam in partem manum imprimens intrò moderatè pellito, ad alias enim partes humiditas transluet, verum etiam in corporis ad alterutrum latus conversionis humor in locum declivem & tumorem & fluctuationem facit fluctuantisq; liquoris sonitus exauditur.* Vide etiam Avicenn. *lib. 3. Gen. 14. rr. 3. c. 9.* Quin imò mox corpore aqua ita movetur ut impetus ejus conspici possit, ut habet Celsus *lib. 3. cap. 21.* Atque hæc etiam ratione à Tympanite distinguitur Ascites. Guarin. *Consult. 64. 317. & 321.* ut & ab alijs abdominis tumoribus, quales solent interdum oriri à Scorbuto, & à veneno, & malè expurgato puerperio, ac post febrem, & ex colicâ, suppressâ  
que



que urinâ &c: Peculiariter verò quomodo hydrops Scorbu-  
cus & vesicalis, quem Belgi Bouckwater appellant, à veterum  
hydrope Ascite dignosci queat, docet egregiè Severin. Euga-  
len. *lib. de Scorb. p. 103. & 111.*

X. Nec verò solùm venter, sed & pedes & scrotum ple-  
rumq; intumescunt, licet aliquando naturali modo se habeant,  
ut vult Aëtius *teirab. 3. serm. 2. c. 20.* & observavit Gvarin. *consult.*  
*368.* Tumor autem nunc à ventre ad pedes descendit, nunc fe-  
rè ab his incipit, *illorumq; infimam sedem eminentiorem, deinceam,*  
*quæ in ambitu malleolorum existit, primum replet, inde sensim ad ge-*  
*nu usq; & ulterius extenditur, maximè in humiliori femorum sede am-*  
*pliusq; excrescit interdum sedente aut eunte agro, decrescit verò nonni-*  
*hil eo recumbente noctu impressumq; in hoc tumore aliquandiu remansit*  
*vestigium, qui ubi admodum distensus est, splendere & pellucidus non-*  
*nihil esse videtur, ut diligentissimè hæc omnia notavit Fel. Pla-*  
*ter. 11. 3. lib. 1. cap. 3. nonnullis ubi morbus diuturnus extorret, tibie*  
*rumpuntur, Auth. lib. 4. de morb.* Idem tumor paulatim conscen-  
dens transit ad ventrem, ipsumque nunc totum occupat, nunc  
alterutrum latus, hinc oedemata illa, de quibus supra §. VII.  
Interdum verò in scrotum veluti cuniculis sibi inusitatam viam  
parit, & tunc simul quandoque *intumescunt testes, præputium &*  
*totus colis ab inæqualitate tortuosus est, Aretæus, quandoque qua-*  
*druplo major & translucidus fit, Plater.*

XI. Et sic quidem dum inferiores corporis partes intu-  
mores excrescunt, superiores decrescunt & emaciantur, præci-  
puè jugulum, cervix & pectus *Auth. lib. 4. de morb.* & humeri  
& coxæ, *Auth. lib. de affect.* Quidam adeo extenuantur, ut sola  
cutis, tendines, membranæ & ligamenta ossibus hæreant, &  
atrophiam confecti videantur, teste Sylv. *Lanceano libel. de hy-*  
*drop.* Quibusdam tamen facies intumescit, *Auth. lib. 4. de morb.*  
& oculi, *Avicen. lib. 3. fen. 14. 11. 3. cap. 8.* Interdum & ad extre-  
mum manus inflantur, sed quod pessimum signum est *Forest.*

*lib.*



*lib. 19. obs. 30. & mortis plerumque indicium, Hor. Refer. apud Scholtz. nonnunquam & ungues contrahuntur, Auth. lib. de int. aff.*

XII. Nec omninò sine dolore sunt ascitici. Multi antequam morbus manifestò sese prodatur, dolores in imo ventre & coxis percipiunt, Celsus *lib. 2. cap. 7.* Et Auth. *lib. de int. aff. siquidem igitur in morbum (hydropem) collapsurus est, confestim doloribus conflictatur.* Alij etiam in morbi progressu, præter distensiones illas præcordiorum, de quibus postea, ventris dolores, ac circa laterum inanitates & spinæ musculos dolores patiuntur. Hipp. *Coac. §. 481.* Quibusdam acuti dolores ex liene excitantur, & ad humerum, jugulum, mammam, ilia transeunt. Auth. *lib. de int. aff.*

XIII. Colorem verò corporis, quod attinet, & præcipue faciei, scribit quidem Aretæus, *omnibus hydropicis simul inesse pallorem.* Et Aëtius, *omnem hydropem vitiatum inducere colorem ex virore nimirum albicantibus agris.* Experientia tamen testatur multos asciticos sic satis vivido esse colore, unde Argenter. non dubitavit asserere *comm. in §. 11. lib. 4.* Multos vel potius omnes, qui his malis detinentur, colorem non habere diversum à suo naturali statu; imò quosdam intensiorem habere rubedinem, quam haberent per sanitatem. Et Guarin. non semel id observavit *V. Consule. 127. 321.* alibi Hor. Refer. *apud Scholtz. Schenck. lib. 3. obs. p. 808.* non negandum interim, quandoque colorem etiam asciticorum à naturali multum desciscere, & nunc pallidum, lividum, plumbeum esse, præsertim si simul Leucophlegmatia accesserit. Auth. *lib. de int. aff.* nunc flavum si iæterus, Faventin. *cons. 23.* Guarin. *cons. 154.* nunc nigriorem, si à splene ascites ortum duxerit. Hipp. *2. Epid. §. 1.* Avicen. *l. c.* Adhæc venas conspicuas atque admodum evidentes esse in brachialibus atque abdomine scripsit Aretæus *l. c.* Et Auth. *de int. aff. venas nigras crebras per corpus distendi.*

XIV. Præterea solent ascitici, ut alij hydropici lassitudi-



nein plerumque percipere & ad omnes cum animi tum corporis motus tardi & segnes esse, quod etiam Hippocr. *Predictor. lib. 2.* innuere videtur, dum scribit, melius esse, lassitudinem non sentire. Et Auth. *lib. 4. de morb.* corporis imbecillitatem, præcipueque lumborum ipsis contingere affirmat. Aëtius quoque gravitatem Corporis omnibus hydropicis attribuit. Aretæus expressè: *diversis temporibus segnes sunt, pigritia multa — & effeminati.*

XV. Licet verò multum feri colligant hydropici, nihilominus tamen difficulter sudant, ideoque citra madorem eorum corpus est, quare nec in balneis sudore madescunt, ut inquit Aretæus *l. c.* quod ipsum cum alijs cacheeticis & jetericis commune habent. hi enim omnes nulla vi possunt ne per felres quidem in sudores induci, & si reliquum corpus sudore multo perfundatur, ut præter quotidianam experientiam etiam testatur Henr. Smetius *miscel. medic. l. 8. p. 434* scribit tamen Hor. *Refer. sudor hydropicis superveniens si subinde ager allevari se senserit, bonum.* Et Scholiogr. ad *39. cap. Holler. de morb. int.* Cuiusdam per sudores sponte excitatos & quasi destillantem aquam, curatio. Quod fortassis intelligendum de initio morbi, antequam ille radices egerit. Aliàs Avicen. scriptum reliquit, *resudatio in hydropisi est laboriosa agritudo, faciens agrum diu pati, & facit cadere in ulcera maligna difficilia ad sanandum.*

XVI. Multi interim pruritu admodum molesto vexantur. Ita Author *lib. de int. aff.* *ἐπιτα δὲ χρόνῳ ὕδατ' & πύμπλαται, καὶ περὶ αὐτὸν ἀνυμὸς ἐς τὸ σῶμα ἐμπύπτει*, procedente tempore aqua impletur, posteaq; corporis morsus contingit. Quidam etiam scabie sicca laborant. Guarin. *cons. 127.* nonnulli erysipelate tentantur, idem *cons. 563.* Consuevit etiam morituris cutis valde extendi, post in eâ ulcera excitari, ut optimè notavit Rhafis *3. comm. cap. 6.* peculiariter etiam in ore, Avicen. *lib. 3. fen. 14. tr. 3. cap. 4.* Abscessus quoq; & maculæ in cruribus erumpentes lethales sunt, ita



ita Hippocr. 7. Epid. Bion cum multo tempore aquâ intercutem laborasset — ad genu sinistrum oborto abscessu & suppuratione factâ mortuus est. Item: Cresiphon post magnam febrem ardentem aquâ intercutem correptus est. — Tribus aut quatuor ante mortem diebus, rigor, febris, corripuerunt, ad femur dextrum parte internâ juxta venam mediam, quæ ab inguine fertur ὡς πρὸς ἀγρίῃ συστέμματα ὠποπέλιον ἔχον ἔγευστος, collectio velut ex igne agresti oborta est cum rubore aliquantulum livido. Sunt autem συστέμματα Hippocrati tubercula cruda & dura, veluti concretiones quædam & durities. Collectiones vocat Cæl. Aurel. lib. 2. acut.

XVII. Plerumque verò febris solet comitari hydropicos. Hippocr. cum alibi, tum caac. §. 487. Auth lib. de int. aff. Trallian. lib. 9. cap. 3. Et Aëtius tetrabl. 3. serm. 2. cap. 20. ferè in totum plurimi ex hydropicis febriunt. Estque febris illa hydropicorum ut plurimum continua & lenta, seu ut Avicen. loquitur, tepida. & sub vesperam præcipuè manifesta est, ut notat Guarin. cons. 368. Interdum verò satis vehemens solet esse, ut quando morbis acutis ac viscerum inflammationibus hydrops supervenit, aqua enim intercutem ex acutis morbis profecta non potest non inflammationes habere in ipsâ perseverantes, ut rectè docet Trallian. l. c. Pulsus secundum Galenum est parvus, crebrior, subdurus cum quadam tensione 4 de caus. puls. cap. 24. nunc satis vehemens pro ratione febris.

XIIX. Hinc sitis ægros miserè vexat quæ indulgendo crescit, ut ait Horat. Et ut Ovid. quo plus sunt poræ, plus sitiuntur aquæ. Soletque tum lingua cum aliàs, tum à somno maximè inarescere Hipp. prædict. lib. 2. simul etiam cibi fastidium adest, adeò ut ad mentionem ejus aut aspectum toti exhorrescant quidam. Nonnullis, quæ assumunt, videntur cacumeris agrestis odorem præ se ferre præ fastidio. Auth. lib. de int. aff. Et quamvis plerumque hæc ita contingant, nonnunquam tamen inveniuntur, qui cibos more sanorum appetant, & parùm sitiant.



sitiant. Exempla vide apud Schenck. lib. 3. ex obs. 5. Tidiæi & Guarin. cons. 321. notatum etiam id jam olim Galenus de loc. aff. cap. 7. & Aëtio loco sæpius citato. Sed hoc admodum rarum.

XIX. Qui verò cibos averfantur, si aliquid assumant, quamvis modicum & flatu carens, nihilominus valdè inflantur & distentiones patiuntur, quales ex satiritate fiunt. Aretæus. Vide etiam Hipp. Coac. §. 481. Auth. lib. de int. aff. Auth. lib. 1. de morb. mul. Hinc magnam angustiam circa præcordia sentiunt & spirandi difficultatem, maximè cum loca alta scandunt, vel decumbunt, præcipuumq; de quo conqueruntur est symptoma, quæ etiam nondum apparente tumore incipit, hydropemq; præagit, eoque emergente incrementum sumit & ab initio circa mediam noctis concoctione factâ, superveniente compressivo cordis dolore, mox magnâ difficultate spiritum ducunt, & suffocationis sentiunt periculum quo excitari statim surgere & orthopneumaticorum instar erectâ cervicè sedentes respirare coguntur. Quando quoque decumbunt in alterum latus, sive dextrum sive sinistrum sit, urgente tamen dyspnœâ decumbere diutius nequeunt, aliàs in neutrum, sed in dorso, quamdiu in lecto sunt cubare coacti possunt recumbere. Tandem quoque incremente morbo penitus à decubitu ferè omni, cum per eam mox anguntur, abstinere coguntur, dies noctesq; non solum erecti, sed & capite in anteriora pectoris inclinato, ut liberiùs spirare queant; in sellâ sedentes longo tempore, cum diuturnus sit morbus, reliquum, quod breve superest spatium vitæ, misere transigunt, ut egregiè hæc observavit Plater. quæ omnia etiam experientia comprobant. Vide Schenck. lib. 3. obs p. 811.

XX. Et tum plerumque solet etiam tussis sicca seu θυμός, id est, inanis ad tussendum irritatio accedere, sed quæ malum portendit, ita Hipp. 6. §. 35. τοῖσιν ὑδρωπικοῖσι βῆξι ἐπιγενομένη, κακόν. Et 7. §. 47. ὑδρωπῶντα ἢν βῆξι ἔχῃ, ἀνελεπτός ἐστιν. Si scilicet à morbo acuto est tussis, ut rectè monet Scholiograph. ad cap. 35. l. 1. Holler. de morb. int. Sin aliunde, non item. Interdum enim tussim in hydrope esse veluti ipsius affectus παθολογικῶν, patet

(ex



ex lib. prænol. & Coac. §. 452. ὅπου δ' ἀπὸ τῆς ἡπατος (scil. ὑδρωπικῆς γίνουσαι) βῆξ ἔτ' ἐτύμως ἐγγίνεται, & ut additur lib. prænol. καὶ θυμὸς, καὶ ὁδὸν π' ἀποπτύσσειν ἄξιον λέγῃ. Quibus ab epate aqua intercutem ortum habet. Promptè etiam iussu vexantur, & iussuendi cupiditas inest, sed nihil effatu dignum exspuunt. Et Coac. §. 487. Quos ex agritudine aliqua hydrops circumvenit — hos βῆχες ξηραὶ παρακολυθεῖσι, intelligit autem febres longas aut acutas, V Foës. comm. Interdum & à tenui destillatione oritur, sed tum nequaquam ἐπιγένοθαι dicitur, V. Ballon. def. Med. in voce ἐπιγένοθαι.

XXI. Alvus ut plurimum adstricta est, præcipuè ubi epas laborat; tunc enim & διαχωρεῖ, εἰ μὴ σκληρῶσι, καὶ πρὸς ἀνάγκην, non nisi dum ægreque egrit, lib. prænol. & Coac. §. 452. (neque enim per hydropem ab epate intelligit anasarcam, ut Senn. vult) aut si alijs affectibus hydrops supervenit, κοιλία ξηραὶ σποραδικῶδες ἔχονται, μεταπειρήξιν μύξωδες, alvi resiccata caprinis stercoribus, similia deijciunt cum mucosa eliquatione Coac. §. 481. Vbi interpretatur Foës. πείρηξιν μύξωδην, alvi fluorem diutinum, cruda & mucosa cum morlu quodam effundentem, qui solet tandem accidere, cum morbus protrahitur & phlegmone etiam intestina & mesenterium occupat Foës. comm. Aliàs observatum hydropicos nisi ad extremum vitæ alvos naturales semper servare, & fæces bono habitu eijcere, Gvarin. consult. 321. p. 563.

XXII. Quandoque verò alvi profluvium statim initio olet accidere, magno ægrorum commodo. Vnde Hipp. Coac. §. 457. ἐπὶ δὲ ὑδέρῳ ἀρχομένῳ διάρροια γενομένη ὑδατώδης χωρὶς ἀπιψίης, οὗ τοῦ νόσημα, aqua intercutem initio aquosum alvi profluvium absque cruditate exortum, morbum solvit. Et si hæc & quæ habentur §. 461. de leucophlegmatia seu anasarca accipiat Foësius; Duetus tamen, Sennertus & alij, etiam asciti convenire testantur. Ejusmodi diarrhæā spontaneā sanatum quendam mendicium hydropicum refert Smetius Miscel. med. lib. 2. p. 564. In-



terdum etiam alvi profluvium est tanquam signum pathogno-  
monicon, ut quando ab ilibus, id est, à partibus in ilibus con-  
tentis, puta mesenterio, intestinis, omento &c. hydrops or-  
tum duxerit, ita enim Hipp. lib. prænor. & Coac. Vbi à laterum  
tumoribus ortum contraxerit, pedum tumor & alvi diuturnus fluor con-  
sequitur, qui neque ventrem emollit, neque lumborum aut ilium tumor-  
em solvit. Aliàs verò est etiam signum prognosticon & mor-  
tem præfagit V. Galen. 2. ad Glaucon. cap. 5. & Avicen. lib. 3. fen.  
14. tr. 3. cap. 4. scias quod fluxus ventris in hydropis mortalis est, i-  
tem solutio ventris in tribus diebus mortem significat, si scil. cum  
viscerum scirrho & corruptione sit conjuncta. Solent au-  
tem per alvum excerni, nunc cruda ferè, ut in lenteria, Hor.  
Refer. nunc mucosa simul cum morfu quodam intestinorum,  
Foës. comm. ad Coac. §. 487. nunc loturæ carnis similia Avicen.  
l. c. nunc cruenta omninò Ballon. lib. 1. cons. 39. annor. Inter-  
dum & γρωδία, genituræ similia, id est, pituitam multam, aci-  
dam, vitream & albugineam referentia, ut interpretatur Foës.  
Sed quæ in principio tantum apparent, & hydropem plerum-  
que solent præfagire, Hipp. Coac. §. 455.

XXIII. Nonnunquam & vomitus supervenit, qui qui-  
dem initio morbi confert, antequam vires deiciantur; Ita re-  
fert Marc. Donat. hist. mirab. lib. 4. cap. 21. adolescentem quen-  
dam asciticum binis vomitionibus spontaneis magnâ aquæ  
copiâ profusâ liberatum fuisse; confirmato verò morbo, ver-  
sâ ad superiora fluxione, exitio est. Hor. Refer. Vomitus ci-  
trinos viridesque in ascite vidit Avicen. lib. 3. fen. 14. tr. 3. cap.  
8. & Val. de Tarant. lib. 5. cap. 7. in philon. pharmaceur. Cruentas,  
Ballon. lib. 1. cons. 39. annor. quin imò Volch. Coiter testatur se  
vidisse in hydropicis, quibus artus extenuati omninò erant  
non tantum è ventriculo per vomitum sanguinem reiectum,  
verum etiam ex naribus. Obs. misc. V. etiam Hipp. prædict. lib. 2.  
Schenck p. 806. & 817.



XXIV. Urina pauca redditur & fere crassa est, modò naturali non absumilis, modò intensè ruffa & ignea. Vnde Gvarin. *conf.* 127. Ego possum testari me in plerisque hydropicis ex ascite tum paucas & coloratiores urinas, tum alvos vidisse satis concoctas. Interdum bicolor est, quæ in supremâ parte unius & in infima alterius est coloris, atq; hanc præsentem mortem minari quotidiana experientia docet. Hor. Reser. Interdum conturbata, quæ & ipsa perniciem denotat, ὅδε ἐλὼν τι γὰρ πυρετὼς δειδῶν μιν ἐν ἡ τεταρταγμένον ὁλέθριον, ut habet Hipp. *Coac.* §. 457. In quibusdam etiam urinas cruentas virtute naturæ aut symptomaticè potius excerni, notat Ballon. *lib.* 1. *conf.* 39. alios verò post sanguinis exigui minctum in hydropem subito incidisse, & brevi cum doloribus periisse testatur Gvarin. *conf.* 474. Quandoque etiam pus cum urinâ excerni Senn. tradit, quod arguit exulcerationem renum, & Avic. urinas levativas & virulentas vidit. Tum verò demùm secundæ valetudinis spes est, si plus humoris excernitur, quàm assumitur, teste Celso *lib.* 3. *cap.* 21. bonum item si urina & vini mutatione & eporis aliquibus medicamentis mutetur. Idem *lib.* 2. *cap.* 8. quod mutuatus est ex Hipp. *lib.* 2. *prædict.*

XXV. Menstruus quoque fluxus nunc aliter atque aliter habet, docente Authore *lib.* 1. *de morb. mul.* ἢν δ' ὕδρωπωειδὴς ἢ ἀρχεται τὰ καταμήνια πολλὰ ἐξαπίνης ἢ ὀλίγα, καὶ γίνονται ὅτε μὲν ὡς ἀπὸ κρεῶν ὕδωρ, ὡς εἰς αἱματώδεα ἀποπλύνειν, ὅτε δ' ὀλίγα ἰσχυρὰ, καὶ πηγνύσθαι. Quod si hydropē labores mulier, copiosi menses de repente, quandoq; etiam pauci descendunt, & nonnunquam velut aqua ex carnis sunt, velut si quis cruentas carnes abluerit; interdum etiam paulò vehementiores, ac neque concrescunt. Nonnunquam & per uterum humor, qui in abdomine continetur, solet evacuari, ut in muliere de qua Fernel. *lib.* 6. *pathol. cap.* 8. cui instante menstrua purgatione humor sub abdomine congestus per uterum sponte ita profunde batur, ut omnis moles abdominis biduo subsideret: alius dein humor proximè succrescere incipiebat, qui statò quoq; tempore totus effluebat.

De



De muliere, cui utero eliso omnis humor effluxerit, V. Ben  
ven. *Abdit. cap. 109.*

XXVI. Circa somnum & vigilias itidem diversitas qua  
dam apparet. Quidam enim somnolenti admodum sunt; it  
Camillum Moscardum hydropicum somnus non quidem ar  
ctus sed tamen assiduus tenuit per 24. horas, & eum reddens fe  
*sine sensu suimet, aut saltem sua agritudinis*, Guarin. *cons. 184.* It  
Martham Mandeliam Borsiam hydrope detentam mox invasi  
quædam somnolentia, idem *cons. 136.* Insomnia hydropic  
contingere etiam notatum Authori *lib. 4. de morb.* Quosdam  
verò vigiliæ excercent molestissimæ. Idem Gvarin. *cons. 194.*  
Poter. *cent. 2. cap. 4.*

XXVII. Quandoque & Epilepsia asciti supervenit &  
grave periculum plerumque minatur. Ita Hippocr. *Coac. §. 454.*  
*τοῖσιν ὕδρωπιδέσιν ἐπιληπτικὰ ἐπιγεγόμενα ὀλίθιον, ἀλλήλων σημεῖω*  
*μοχθηρῶν, καὶ κοιλίης ἐξυγείνουσιν.* *Hydropicis succedentes morbi com*  
*itialis offensiones perniciem adferunt, pravus invicem succedentibus si*  
*gnis & alvos humectant.* & §. 459. *Τὰ ἐξ ὑδρωπικῶν ἐπιληπτικὰ, ὀλέθρια*  
Interdum ejusmodi epilepsia in apoplexiam mortiferam & in  
fanabilem vertitur, qualem observavit in Comitissa Gruerian  
Duret. in *comm. in Coac. p. 337.* scribit tamen Ballon 1. *Epid. p. 28.*  
piscatorem quendam hydrope laborantem translata sursum  
materiâ epilepticum factum, sæpiusque convulsus, abscessu  
intesticulos & femora facto liberatum esse & hydrope & ep  
lepsiâ.

XXIIIX. Non rarò & alios morbos cum hydrope asciti  
complicari contingit, ut passim apud authores notare licet. It  
paralyfin cum hydrope Poter. observavit. *cent. 1. cur. 97.* Sole  
nand. *f. 2. cons. 12. κάτοχον*, Ballon 2. *Epid. p. 126.* Palpitationem  
cordis Rondel. *meth. cur. morb. lib. 2. cap. 16.* Solen. *cons. 9. f. 3.*  
asthma, Trincavell. *lib. 3. cons. 34.* destillationem & podagram  
Venust. 1. *part. cons. 88.* dolores intolerabiles in femore Schenck  
ex ob,



*obs. Tidicai, iæterum, Faventin. conf. 23. Gvarin. conf. 164. Jacob. Camenicens in Epist. ad Marriol. Tulp. lib. 2. obs. med. c. 36. Leu-  
rophlegmatiam sæpe ascite succedere experientia docet & te-  
tis est Gvarin. conf. 194. & 563. Memorabile est quod scribit  
Schenck. ex observ. Sigism. Schnixeri, hydropicum admodum  
humidum serpentem per anum excrevisse.*

XXIX. Ceterum in genere signa salutis & mortis egre-  
giè tradit Hipp. lib. 2. prædict. quem locum Celsus lib. 2. cap. 8.  
ita ferè vertit: *Aqua intercutem minimè terribilis est, quæ nullo an-  
tecedente morbo capit, dein quæ longo morbo supervenit. Vtriq; si  
firma viscera sunt, si spiritus facilis, si nullus dolor, si sine calore corpus  
est, æqualiter q; in extremis partibus macrum est, si venter mollis, si  
nulla tussis, nulla sitis, si lingua ne per somnum quidem inarescit, si cibi  
appetitus est, si venter medicamentis movetur, si per se excernit mol-  
lia & figurata, si extenuatur, si urina & vini mutatione & eporis ali-  
quibus medicamentis mutatur, si corpus sine lassitudine est, & mor-  
bum facilè sustinet. Siquidem in quo omnia hæc sunt, is ex toto tutus  
est: in quo plura ex his sunt, is in bona spe est. addit Hipp. in quo verè  
nil horum inest, sed contraria subsequuntur, in eo spem tolli animad-  
vertendum est. Et cui ex his quæ in aqua intercutem laborante pro-  
pavimus, pauca affuerint, parum relictum esse spei, &c.*

XXX. Recidivas hydropicorum post evacuationes in-  
adentes lethales esse jam tum Hippocrati notatum, Coac. §. 460.  
*ὅτι τὸ πρὸς τὴν περὶ ἐνδοχῆς πάλιν ὁρμηέων ἀνέλπτου, aqua intercu-  
tem, quæ curationi cessit, ubi recurrit, spem tollit. & observavit Scho-  
graph. ad cap. 39. lib. 1. Holler. de morb. int. Et Erasius par. 4.  
lib. adv. Paracels. Mori verò tandem asciticos σβέσει seu suffoca-  
tione ignis nativi extra dubium est. Quosdam etiam prius a-  
quam exspuere, quàm parere, animadversum. V. Guarin.  
conf. 317.*

XXXI. Cæterum non adhibendi sensus tantum ad ea,  
quæ in corporibus integris datur percipere, sed etiam in mor-



tuorum cadavera incisa, eorumque viscera & reconditos recessus summo studio animadvertendum, ut docet Cl. Præles præf. ad obs. Philip. Salmuth. Dissectio itaque post mortem abdomine non semper aqua, quâ tumet abdomen, unius est coloris, plerumque tamen est citrina, & urinam colore & consistentiâ præfusa refert, unde Germanis das gelbe Wasser vocatur. V. Guarin. *cons.* 474. luteam & viridem Carol. Piso & Marc. Donatus *de hist. med. mirab. lib. 4. cap. 21.* observarunt; flavam in nigrum vergentem Guarin. *cons.* 194. loturæ carniū recens maciatarum similem Guil Fabricius. *Cent. 2. obs. 57.* planè cruentam & loturæ carniū saturatæ sanguine similem Scholiograph. *ad cap. 39. lib. 1.* Holler. *de morb. int.* & Marc. Aur. Severinus *de recond. abs. natur.* p. 279. Deinde & falsa est illa aqua & acrimoniæ cuiusdam particeps. Et falsedinem quidem præter alia declarat, quod aquæ permixta spumam excitet. Ita refert Osw. Gabelchoverus, civem quendam Augustanum hydropicum alterius confilio folio insidentem aquæ sese immerfisse quotidie, & post 18 lotionis diem, ruptum esse umbilicum & aquam omnem, quæ in ventre continebatur affatim effusam in aquam balnei, hanc verò inde spumofam totam redditam fuisse, ut speciem aqua multo sapone agitata referret. Acrimonia verò ejusdem inde manifesta est, quod sæpe interanea corrodat & exulceret, quod quando ad alvum confluit, non sine morfu intestinorum excernatur; quod ulcera etiam in externis partibus præsertim pedibus difficilia curatu excitet. Tandem & fætida illa aqua solet esse & plerumque cadaverosum spirare odorem.

XXXII Præterea nunc minore nunc majore quantitate adundat aqua. Ultra 30. libras in dissecto hydropico deprehendit Tulp. *lib. 2. obs. med. cap. 35.* 45. libras Guarin. *cons.* 474. plus quàm 20. heminas Forestus *lib. 19. obs. 14.* in quibusdam libras 60. & plures pendentem aquæ copiam adhuc remansisse, cum multum prius de eâ per pedes efluxisset, paracentesi in vivi ad huc



hic facta vel sectione in mortuis, sese observasse testatur Plac.  
er. rr. 3. lib. 1. cap. 3. Laz. Riverius ex observatione Antonij Io-  
lon, Medici Antissiodorensi refert, ex cadavere cujusdam mu-  
ieris hydropicæ inciso tam ingens serosæ humiditatis factum  
uisse effluvium, ut 90. librarum pondus excederet.

XXXIII. Cæterum continetur illa aqua plerumque qui-  
lem inter peritonæum & intestina; nonnunquam tamen & in-  
ter peritonæum & musculos abdominis seu inter mirach &  
iphac, ut rectè notarunt Arabes Medici, quos perperam hoc  
omine refutat Amatus Lusitanus *Cenr. 1. cur. 50. schol.* & cum  
illo Forestus *lib. 19. obs. 28. schol.* Neque enim tumor ille, qui  
modò unum, modo utrumque latus occupat, ita ut ven-  
ter in duas quasi partes divisus esse videatur, de quo su-  
ra §. 6. aliunde est, quàm ab aquâ inter peritonæum & muscu-  
los abdominis obliquos contentâ, ut præter Arabes, observa-  
unt Hœchstetterus, Liddelius, alij.

XXXIV. Interdum aqua non in cavitate abdominis sed  
vesiculis quibusdam includitur, de quibus egregiè Aretæus  
*lib. 2. cap. 1.* Alia quædam hydropici morbi species talis agnosci-  
tur; in eâ vesicula quædam pusilla, crebræ, humoris plena in loco ubi  
scites fieri solet, excitantur. Cæterum quòd humore multo referre  
bit, illud indicio est, nam si abdomine perforato, parum admodum hu-  
moris effundas, intus vesica recludetur: at si instrumentum impuleris,  
peram effluet. Hac itaq; hydropis species baud levis est &c. Ejusmo-  
di hydropem ex vesiculis describit quoque Aëtius *rerab. 3.*  
*rm. 2. cap. 20. in fine.* Fiunt aliquando bullæ inter peritonæum pelli-  
alæ & intestina, figurâ vesicæ similes & serosum humorem continen-  
tes: hæ ipsæ sanè per fluctuationes quasdam inæquales deprehenduntur:  
imprimis proprium locum secundum lineamenta quædam distributum,  
ut velut circumscriptum ipso humore veniente. Ut propterea sine  
causâ Schenck. hanc hydropis speciem Græcis alijsque omni-  
um ætatum medicis, uno Aretæo excepto, incognitam dixerit.



Deprehenderunt postea & alij ejusmodi vesiculas in cadaveribus hydropicorum dissectis. Ita refert Maur. Cordæus *commun. s. in lib. 1. Hipp. de mulier.* Anno 1567. Lutetiæ mulierem quandam hydropicam mortuam esse, in cujus eviscerato cadavere nihil cavum deprehensum fuit, in quo non vesica pendeat secundum Geometricam dimensionem loco coequalis & conformis ei, qui suo ambitu ipsum contineret. Locos autem cavos dicit fuisse, non vesicam tantum, renes & ut erū, sed & ventriculum intestinaq; cor, pericardium & id genus reliqua, è quibus prout tam intus quàm foris nativum cuiq; solum contigisset, cystes pendulæ conspiciebantur, aquâ citrinâ oppletæ & sine omni fælore, etiâ post 20. diē. Nec partes externas exceptas fuisse, etiâ ad jugulum usque, nec inferiores ullas, ne quidem proximū sedi locum, quæ hæc suo cavo non caperet vesiculas. Hepar quoque rectū ijsce oppressum q; foris, ut & lienē totum: adeo ut si quasque vel minutulas in numerum quispiam retulisset, octingentas numerus superasset facilè. Harum porrò fabricam fuisse ejusmodi, ut binæ eas membranæ conficerent, valdè candicans interior, altera tunicæ ventriculi simillima, tenuior aliquantò tamen, sed ei quidem concolor. Similem ferè historiam recenset Schenck. ex communicatione Aicholtzij, *lib. 3. obs.* In fæminæ cujusdam plebeie pro hydropicâ habitæ cadavere aquam nullam in cavitate abdominis repertam esse, ut nec flatum ullum; sed intestina una cum reliquis visceribus angusto spatio contenta apparuisse. Ipsum verò abdomen à cute ad peritonæum quasi albâ pinguedine duntaxat contextum visum fuisse, nullâ musculorum carneâ substantiâ interpositâ, sed vesiculis crebris, majoribus minoribusque aquâ limpidâ refertis invicem cohærentibus &c. Ita & Laz. Riverius *obs. commun. ult. refert*, rusticum quendam hydropicum abscessum passum fuisse in dextrâ parte abdominis, eoque aperto infinitum propemodum vesicularum aquâ repletarum numerum egressum fuisse,

ut



ut ducentarum numerum excederet, idque per plurium dierum spatium. Huc referri itidem potest insignis ille tumor mesenterij ponderans libras 20. deprehensus in puellâ hydropticâ post obitum, qui quidem extrinsecus tectus fuit membraneo involucro; sed intus refertus pluribus vesiculis lymphidâ aquâ distentis, de quo Tulp. *lib. 2. obs. med. cap. 34.* Vide etiam Volch. Coiter. *obs. anat. Chirurg. Miscell. Zacut. lib. 2. hist. 116.* Imò extra peritonæum sub musculis abdominis ejusmodi vesiculas quandoque latuisse observatum. Ita refert Solenand. *f. s. conf. 25.* cuidam hydropico existimato tandem naturam fecisse orificium in latere sinistro sub splene, intra peritonæum & musculos ventris, ex quo extractæ vesiculæ plures quàm ducentæ, ova gallinarum referentes sed mollia aquâ putridæ plena.

XXXV. Evacuata aquâ, quæ sive in abdominis cavitate sive in vesiculis comprehensa fuerat, viscerum constitutionem plurimum variasse observatum est. Sæpe epas repertum fuit sanum, Maur: Cordæus *comm. 5. in lib. 1. de mulier. Vesal. cap. de Liene.* Schenck. *l. 3. obs. p. 804. & p. 811. edit. secund.* Sennert. *lib. 3. part. 6. f. 2. cap. 3. p. 748.* Nic. Fontan. *exempl. 31.* River. *obs. commun.* Sæpe quoque morbidum; & nunc quidem albicans tantùm forinsecus Schenck. *l. 3. obs. p. 803. & p. 855.* Bauhin. *in Append. ad Fr. Rousser. de parv. cas. nunc atrum omninò & simul densum instar renum parenchymatis.* Ita Gvarin. *conf. 563.* In dissectionibus hydropicorum cadaveribus creberrimè videmus jecur habitum corporis densioris sortitum. Nunquam enim jecur molle, udumq; reperimus, nisi in hydrope leucophlegmatia, in quo semper plenius, laxius & albo humore nutritum est; in ascite autem & tympanite contra semper densius in renum modum, sed pravo admodum & atro colore & malè nutritum, ubi scilicet ab epate malum originem duxerit. Epas durum, siccum, infinitis coloribus variegatum in muliere hydropticâ vidit Ballon. *2. Epid. p. 264.* idem durissimum & tanquam corium torrefactum, Gvarin. *conf. 194. & 309.* Tulp. *lib. 2.*



*obs. cap. 35.* Imprimis notatu digna est historia, quam affert idem *cap. 36.* de muliere, quæ simul hydrope & morbo regio laboraverat, in cujus cadavere inventum jecur aridum, atrum, exsiccum; & instar corrugati corij ita in se contractum, ut vix æquaret geminum pugnum. Eo verò novaculâ inciso, excreta inde adusta ac faculenta amurca, similior atramento nigerrimo, quàm rubicundo sanguini. Nonnunquàm Epar adeo durum repertum, & tantum non in lapideam duritiem conversum, ut incidi cultro non potuerit, *Forest. obs. 14. lib. 19. Gvarin. obs. 194. Dodon. obs. lapillis undique plenum, Forest. ibid. in annor. Iacob. Camenicen. Epist. ad Matthiol.* In hydropicis jecoris substantiam siccitate humorisque penuriâ ceu rimis quibusdam dehiscere, perinde atque terram tradit *Fern. lib. 6. Pathol. cap. 8.* Quod etiam Platerus se frequenter animadvertisse in sectione corporum testatur, *ir. 3. lib. 1. cap. 3.* Quandam alij id in dubium vocant, inter quos Tulp. qui in deformi illo & torrefacto jecinore, de quo *cap. 36.* quæsitâ illas rimas se nequaquam potuisse invenire scribit. Vesiculas quoque seu hydatides epati adnatas, easque interdum amplas limpidasque in hydrope extinctis hominibus sæpius, quemadmodum tumorem fungosum, in quo concretum quid inerat, in hydropicâ quadam puellâ, se invenisse ibidem refert Plater. Præterea epar diaphragmati adhæsisse quibusdam locis observavit *Casp. Bauhin. append. de part. Cas.* Imò totum suâ convexâ superficie eidem adnatum, interveniente membranâ quadam crassâ & firmissimâ vidit *Jacob. Camenic. d. l. V. & Plater. l. c. p. 258.* Folliculum fellis parvum, totum repletum gypseâ durâ materiâ, porum verò ab epate ad duodenum amplissimum sine ullâ obstructione deprehendit in hydropico *Casp. Bauhin.* eundem porum lapillis obstructum, *Jacob. Camenic.* in vesiculâ verò bilem prasinam & crassam invenit *Ioh. Heflus apud Schenck. obs. 423.*

XXXVI. Quæ in epate, eadem & in liene vitia sæpe animad-



animadvertuntur. Ita lienem album & parvum vidit Ioan. Frid. Trafelman. *apud Schenck. p. 855.* durissimum ac renitentem Auth. *lib. 1. de morb. mul.* lapidosum omnino Forest. *lib. 2. de intern. urin. judic.* vesiculas quoque lieni adnatas deprehendit Plater. *d. 1. p. 254.* Ipsum verò lienis corpus quandoque septo ita adnatum, quemadmodum & epar, ut sine dilaceratione tunicarum avelli non potuerint, *ibid. p. 238.* Interdum lien satis mollis repertus, *vs. xv85, velut lana tomentum,* ut loquitur Auth. *lib. 1. de morb. mul.* & tantum non diffluens. Ita refert Schenck. *ex obs. Melch. Sebizij,* in rusticæ cuiusdam septem annis hydropticæ cadavere, inter alia lienis viscus per medium dissectum grumosi ac putrefacti sanguinis instar comparuisse, solidiore ipsius substantiâ quasi colliquefactâ. Et cum ipse leviter & molliter quidem cultro tractaretur, adeo totum diffluxisse, ac si solummodo congelatus sanguis fuisset, & nisi membranula ipsum circumcingens, illæsa ac integra permansisset, procul dubio totum per se ipsum defluxisse. V. *lib. 4. obs. p. 119.* Ita & Simeon Iacoz Medicus Costensis apud Riverium *obs. commun. 6.* observavit in quodam hydroptico secto epar quidem optimè constitutum & naturali temperie præditum; lienem verò corruptum & totam ferè ipsius substantiam pici liquatæ similem.

XXXVII. Renes quoque à naturali suâ constitutione multum discessisse aliquoties observatum. Ita refert Schenck. *lib. 3. ex obs. Ioan. Hessi* in quodam, qui ex mictu sanguinis diurno hydropticus factus fuerat, renem dextrum omnem amisisse colorem, ut albam haberet carnem. In alio renes parvos, pallidos, nulla pinguedine munitos vidit Ioh. Frid. Trafelman. *apud Schenck. lib. 3. obs. p. 855.* Renem planè putridum Tulp. *lib. 2. obs. Med. cap. 35.* Renum omnimodam corruptionem, remanente tantum illorum involucro veluti marsupio, sæpius se vidisse in hydropticis scribit Plater. *loco sapius citato p. 259.* Et Bal-

lon.



Ion, *lib. 2. Epid. p. 264.* se in muliere quadam hydropica renem dextrum non invenisse, sed speciem duntaxat quandam involucri. Plater. *p. 260.* utrumque renem multis ulceribus fistulosis perforatum adeo amplis observavit, ut digitum singula facile reciperent, adnatis hinc inde renum corpori vesiculis aquâ plenis, quæ ex illis scissis profluebat, erosâ simul undique eorum exteriori tunicâ.

XXXIIX. De pancreate scribit Rondel. *meth. cur. morb. lib. 3. cap. 35.* se illud quemadmodum & reliquas mesenterii glandulas in omnibus hydropicis deprehendisse induratas ac scirrhasas. V. & Fernel. *Pathol. lib. 6. cap. 8.* Mesenterium, omentum, renumque involucrium veluti arefacta, contracta adipemque instar glebarum illis adhærentem in quodam invenit Plater. *p. 253.* Idem, omentum plerumque flavum, putre & færens, præterquam quod retractedum, & mesenterium quoque quibusdam in locis ejusmodi fuisse, in anatome hydropicorum testatur se observasse, *p. 254.* omentum disruptum & in globulos arctissimè contractum, Ioh. Hessus *apud Schenck. corruptum*, Ioh. Heintzius *apud Schenck. p. 884.* Columbus *lib. 15. Anat. ac planè consumptum*, Schenck. *lib. 4. obs. p. 118.* Sennert. *cap. de hydrop. p. 3.* Intestina quoque siderata & omnino corrupta ac quasi sugillata & livida in quibusdam inventa. Schenck. *lib. 3. obs. p. 855. & lib. 4. p. 118.* Tulp. *lib. 2. obs. med. cap. 35.* peritonæum ventriculo anticâ parte tam firmiter adhærens, ut nisi videretur atque dissectum avelli potuerit, Anton. Iodon *apud River. obs. commun.* Rarum est fungos interiori abdominis parti adnasci. Observavit tamen id Marc. Aur. Severinus *de rec. abs. natura p. 279.* ubi scribit Anno 1624. Neapoli in sacris incurabilium ædibus sectos hydropicos, in quorum abdomine parte interiore pallidi quasi fungi boleti ubertim reperi.

XXXIX. Præterea & testes muliebres aliquando mirum in



modum tumidi, lividi, quasi fungiosi, pleni vesicis ac omnino putridi inventi. Schenck. *lib. 3. ex obs. Ioh. Heintziij*. Et Bauhin. *in Append. ad Franc. Rousser.* refert in cadavere Sabinæ Schochin extrum testiculum vix apparuisse; ex eo verò prodiisse tumorem ingentem, unde eductæ fuerant per paracentesin novem bræ serosi humoris: tumorem autem illum constitisse ex tunica crassa intus rugosa, nullibi perviâ; eidem versus internam partem alterum tumorem adhæsisse insignem & circum circa multos parvos tumores seu hydatides; sinistrum verò testiculum magnitudinis ferè cotonei fuisse, summe inæqualem, multis quoque ac magnis hydatidibus refertum, protrusumque in capacitatem ossis sacri &c. Vterum in vetulâ quadam hydropicâ, cæteris partibus salvis, deprehendit Argenterius tumorem, induratum, tensumque admodum, eoque non sine difficultate dissecto ob insolitam illius duritiem & crassitiem invenit universam illius cavitatem plenam pingui, albâ & crassâ substantiâ, & factum steatoma *comm. in §. 11. lib. 4.* Eundem purrefactum omnino vidit Ioh. Posthius *apud Schenck. lib. 3. obs. p. 56.*

XL. Nonnunquam aquam in thoracis spatium irrepsisse, eaque intulisse symptomata, quæ purulentos solent affligere observavit, Fernel. Sennert. alij. Sæpenumero pulmones in pleuriticis sectis exsiccatos vidit Guarin. *cons. 317.* Coiter *obs. miscel.* Eisdem ob aquam quæ diaphragma penetraverat, dimidiâ ex parte corruptos Ioh. Heintzius *apud Schenck. lib. 3. obs. 17.* Inflammatos Bauhin. *in Append. ad Rousser.*

XLI. Et hæc quidem ita se habere historiæ medicæ docent. Cæterùm ascitem hydropem nunc per se incipere, nunc verò alteri morbo supervenire itidem experienciâ est notissimum, & passim ab authoribus proditum. V. Hippocr. *Coac. §. 481.* Celsus *lib. 3. cap. 21.* Aetius *tetrab. 2. serm. 2. cap. 20.* Ita morbis acutis & febribus ardentibus ascites quandoque succedit,

D

Hippocr.



Hippocr. *prænot. libr.* Trallian. *lib. 9. cap. 3.* nec dissentire videtur Galen. *lib. 13. de sympe. caus. cap. 2.* etiam si P. Sal. Diverfus *lib. de part. aff. cap. 9.* eum aliter interpretetur. Nec verò hinc mitiores redduntur febres, sed quem antea habuerunt ardorem, eundem adhuc servant. *Es sanè mirum est,* inquit Trallian. *quod neque aqua intercutem ipsis oboriens calorem agrorum extinguat, neque febris omnem aquam intercutem exhauriat, sed ab aqua simul & igne ambo contineantur.* Solentque tum maximi & vehementes dolores oboriri & mors in propinquo esse, unde Hippocr. *lib. prænot. οἱ δὲ ὑδρωπῆς, οἱ ἐκ τῶν ὀξέων νοσημάτων πάντες κακοί. ὅτι γὰρ τὸ πρὸς ἀπαθάλωσθαι. ἐπιδυνάει τὴν εἰσὶν, κάρτα δὲ θανάτου δεῖται.* Interdum vero & longis febribus scedit, maximè quartanæ, ut scribit Celsus *lib. 3. cap. 21.* & Hippocr. *de aer. aq. lib. 2. cap. 1.* & observarunt Langius *lib. 2. ep. 44.* Horst. *obs. p. 256.* Renalmus *obs. 29.* Tertianæ etiam hydropem supervenisse notavit Lotich. *obs. lib. 4. Laz. River. Cent. 2. obs. 65. cent. 3. obs. 16 & 23.*

XLII. Hæcticos quoque & phthificos sæpenumero hydropicos fieri, nisi fluxione ventris corripiantur, & hinc morte præoccupentur, scribit Rondel. *lib. 2. cap. 25. meth. cur. morb.* Phthisin quæ ex cachexia est ascitem adducere Aretæus docet *lib. 1. cap. 16.* Vid. Vidius de patre suo testatur, illum post satis longam tabem subitò hydropicum factum. Ad empyema phthisin & sanguinis sputum hydropem consecutam notat Marc. Donat. *hist. med. mirab. lib. 4. cap. 21.* V. etiam Trallian. *lib. 9. cap. 2.* Furori quandoque ascitem succedere Hippocr. *trædit 7. §. 5. ἐν τῇ μανίᾳ ὑδρωπῆς, ἀγαθόν.* Ita & melancholiæ, Avicenna: si alicui acciderit hydropisis habenti melancholiam, resolvitur melancholia, propterea quia hydropisis humectat eam.

XLIII. Et omninò omnes illos affectus hydrops consequitur, qui habitum corrumpunt, ut loquitur Aëtius, *retrab. 3. serm. 2. cap. 20.* Quorum aliquot paulò post recenset. *Mulæ, inquit, & podagra*



adagra (quod etiam notatum Aretæo lib. 2. diut. cap. 12.) & co-  
mendicum dolore vexari aquam intercutem inciderunt, frequentissimè  
item eos, qui cibum non sentiunt, & malo corporis habitu præditi  
sunt, itemq; ab arquato infestatos hydrops consequitur, caliacam item  
affectionem & dysenteriam, novimus etiam, qui ex orthopnæa in hy-  
dropem sunt deducti, quidam etiam ex asthmate, ut notant Ron-  
delet. & Laz. River. Cent. 3. obs. 8. De dysenteria extat §. 43. lib. 6.  
κόσοι σπληνάδες, ὑπὲρ δυσεντερίης ἀλίσκοιται, τὰ τέτοιον ὀπιζομένης μα-  
γῆς τῆς δυσεντερίης, ὕδρωψ ὀπιζίνεται, ἢ λιεντερίη, καὶ ἀπόλλυνται. Qui  
lienosi difficultate intestinorum corripuntur, is supervenientem lon-  
gam dysenteriam aqua intercutem, aut intestinorum levitas excipit  
& moriuntur. Et lib. de aer. aq. & loc. Intestinorum difficultates  
& alvi profluvia & febres etiam quariana diuturnæ, cùm longius  
producuntur, naturas ad aquam intercutem deducunt & perimunt.  
De alvi profluviis vide etiam Paulum Ægin. lib. 3 cap. 48. Coli-  
cum dolorem aquam intercutem sequi tradit Aretæus l. 2. diut.  
cap. 8. Scorbutum quoque tandem in hydropem definere præ-  
ter Sever. Eugalenum docet egregiè Cl. Præses diss. de scorbuto.  
Præterea & tympaniti quandoque ascites succedere solet. Imò  
non dubitavit Guarin. asserere conf. 317. nullum tympanite ex-  
tingui, nisi tandem ascites accesserit.

XLIV. Post viscerum scirrhum plerumque sequi asciten  
itidem experienciâ est notissimum. Acrurum scirrholo-  
rum ore hydropem lethalem provocatum Schenck. observavit  
lib. 3. obs. 23. Ex jecoris aut lienis vulnere exiguo, quod non al-  
tè penetravit, sed summam duntaxat extimamque faciem atti-  
git; quemadmodum & ex ulcere, quod ferè ab illorum suppu-  
rante phlegmone atque vacuatâ relinquitur, asciten oriri ali-  
quando Fernel. tradit lib. 6. pathol. cap. 8. à ruptâ vomica epatis,  
Schenck. ex obs. V Volphij. Denique post sanguinis quemcunque  
fluxum sive is fiat per nares, sive os, sive hæmorrhoides, sive  
per uterum aut verò post ejusdem consuetam evacuationem



suppressam, ut passim docent authores & usus quotidianus comprobat.

XLV. Sunt verò huic malo obnoxij omnis ætatis homines, ne foetu quidem in utero materno excepto. Ita refert. M. Aur. Severin. *lib. de recond. absq. natura*, sibi Neapolivisum foetum abortivum octimestrem, cui distentum ita abdomen, ut magnitudine reliquum corpus fere exsuperarit. Et nota est historia illa apud Schenck. *lib. 4. obs. de embryone masculo 4. vel 5. mensium hydropico*; qui tamen potius leucophlegmatia, quam vero ascite laboravit. Magis autem ætate profectos quam pueros hoc malo corripi Fernel. tradit. Vide etiam Aëtium & Aretæum.

XLVI. Nec minus fæminæ quam viri asciten incurrunt. De Scythicis mulieribus Hippocr. seorsim scribit *lib. de aër. aq. & loc.* illas sæpe decipi, quòd existiment se in utero habere foetum, & hydropicas esse. Gravidam verò si contingat hydrope corripì, tunc corrumpi fatum & ejci, unaq. cum eo aquam effundi, ferèq. mulierem mori, scriptum reliquit Auth. *lib. 1. de morb. mul.* Interdum tamen observatum, gravidas hydropicas foetus vitales enixas esse. Exemplà vide apud Schenck. *lib. 4. obs. Forest. lib. 2. de urin. judic. Ballon. 2. Epid. & Ephem. p. 138. & 264. Hildan. Cent. 2. obs. 16.* Mulierem per annos 15. sterilem, tandem hydropicam factam concepisse, sed foetum mortuum & flaccidum omnino vixque quadrimestrem peperisse, ipsamque non multò post diem suum obijisse refert Schenck. *lib. 4. ex obs. loban. Posthij.*

XLVII. Porro experientiâ quoque constat pròpioris in hunc affectum esse, qui calidioris & siccioris sunt constitutionis. Sanè Guarinonius diligentissimus si quis alius temperaturarum indagator, quos ille quidem describit asciticos omnes ejus naturæ fuisse docet, imò quosdam calidissimæ & siccissimæ. V. *Consule. 127. 164. 165. 194. 230. 308.* Biliosis accidete hydropes etiam



am Hippocr. *in Coac.* tradit. Idem Fernel. *in consil.* & alij testantur, quos omnes recensere non est pretium operæ. Atque adeo non est, quod scribat Avicenna; *Homo de quo vehementius timeatur cum advenit ei hydropisis, est ille cujus complexio naturalis est calida & sicca, eò quod à naturali statu magis declinet; quasi verò cum frigidiorè natura magis conveniret.*

XLIX. Docet itidem experientia, eos qui multo, generosoque vino, aut spiritu vini & aromatibus utuntur, facilius in ascitem incidere; quod & Aristoteli jam olim notatum *lib. 3. probl. 5.* Cibus flatulentum, & cruditatem & buprestem aquam intercutem gignere Aretæus observavit. Aquas palustres & stabiles, Hippocr. *de aër. aq. & loc.* Oribas. *lib. 5. collect. cap. 3.* Allium (quod tamen plurimi summo operè hîc laudant) asciticis multum nocere, Tulpius notavit *lib. 2. obs. cap. 35.* Quosdam verò ex frigida potu hydropicos factos, Aretæus, Galen. Aëtius, testantur. Vide etiam Schenck. *lib. 3. obs. 127.*

XLIX. Tandem & anni tempestates huc aliquid facere docet Hippocr. *lib. de aër. aq. & loc.* ubi scribit, antegressâ hyeme austrinâ & calidâ, vere subsequente aquilonio & sicco ac frigido, accedente derepente æstate, æstu ac mutatione contingente, reliquis morbis cum ventres facile reficari nequeant, intestinorum laxitates & aquas intercutem succedere. Et *lib. 3. §. 22.* autumnò maximè hydropes fieri asserit. Loca porrò maritima hydropicis accommodata esse Stobæus tradit. V. Mercur. *var. lect. lib. 3. cap. 1.* Denique inter morbos hæreditarios ac connatos numerat Hippocr. & aquam intercutem *lib. 2. prædict.*

L. Ceterum enarratis ijs, quæ circa ascitem accidere historia & observatione Medicæ docent, proximum jam est, ut ad accuratiorem hujus mali contemplationem accedamus. Si quidem quæ hæcenus sunt allata, sensuum fide constant; quid verò ulterius ex ijs jam perceptis possit agitatione mentis deduci, nunc porrò tentandum.



LI. Et primò quidem videndum, quomodo aqua illa, quæ continens ascitis causa est, generetur; semperne vitio viscerum, & quo aut cuius, an verò etiam aliquando iisdem salvis. Galen. semper læsam sanguificationem causatur. Ita enim *comm. 2. in prasag. Hipp. 1. 1. Communis ortus hydropis inde exeat, quod officium in sanguine generando positum vitiat. Lædi verò sanguificationem ab intemperie frigida epatis scribit lib. 5. de loc. aff. cap. 7. & lib. 6. de loc. aff. cap. 1. nisi ad jecur frigus transmittatur, aqua intercutem subsequi potest minimè. Imò comm. in lib. 4. §. 11. Hipp. hydropis causam reducit in ultimum gradum refrigerationis epatis. Refrigerari autem epar nunc quidem per se & præcipuè, nunc verò per consensum aliarum partium, docet lib. 5. de loc. aff. cap. 7. Accidit autem, quum aliàs aliam partem frigida admodum intemperies afficit, ut epar quoq; refrigeretur. Igitur si vel lienis causa, vel ventriculi; vel intestinorum universorum, maxime jejuni mesentericæ venæ omnes habituali intemperie afficiantur, facile etiam unà refrigerare possunt omnes simarum jecoris partium venas: quo fit ut ad epatis quoque corpus universum intemperies ipsa perveniat, si verò pulmonis vel septi transversi vel renum occasione id accidat, imprimis venæ, quæ in visceris hujus partibus gibbis consistunt, per consensum afficiuntur: deinde tractu temporis totum epar quoque eadem dispositione infestatur. Comm. verò 2. 1. 1. in prasag. Hipp. ita illum consensum limitat, vel quod partes vicinæ sint, vel quòd habeant societatem magnam per conceptacula nervosque. Non verò hinc semper tumorem in epate excitari, quippe qui plerumque nullus in eo appareat, sed tantum solam intemperiem frigidam in illud induci, docet idem contra Erasistratum lib. 5. de loc. aff. cap. 7. & lib. 6. cap. 1.*

LII. Idem ferè ad verbum docent Oribasius Galeni simia vocatus lib. 9. cap. 23. & Aëtius terr. 3. serm. 2. cap. 20. Et hic quidem inter alia expressè; citra epatis refrigerationem impossibile est aquam congelari, & aliquem in hydropem incidere. Trallianus quoque



quoque asciten jecore admodum refrigerato provenire scribit  
*lib. 9. cap. 2.* licet postea *cap. 3.* etiam agnoscat quandam ejus  
speciem ex intemperie calidâ non tamen sine vitio jecoris. Nec  
Paulus Aegin. *lib. 3. cap. 48.* à Galeno quicquam dissentit. Ara-  
bes, (qui sua omnia à Galeno habent, teste Joh. Bapt. Monta-  
no, excepto tamen Averrhoë) soli itidem epati hunc affectum  
adscribunt, etsi in causâ aliquo modo ab ipso discedant. Inter  
illos Avicen. *lib. 3. Fet. 14. tr. 4. cap. 4.* *Non accidit hydropisis absq[ue]*  
*egritudine epatis, aut propter communionem.* Imò plerique medi-  
ci posteriores ne latum quidem unguem ab illis Galeni placitis  
discesserunt.

LIII. Verùm enim verò nitur hæc sententia non alio fun-  
damento, quam quòd crediderint sanguificationem à solo epa-  
te fieri. Ita enim Galen. *s. loc. aff. cap. 7.* *Quia epas ejus faculta-*  
*tis, quæ sanguinem gignit, instrumentum est, consequens est, ut vitia-*  
*to hoc viscere, actio quoq[ue] ejus vitietur, id est, ut paulò post expli-*  
*cat, ut cibus (chylus) qui reliquis partibus distribuitur, in sangui-*  
*nem transmutari non possit.* Verùm (ut nunc dissimulem, etiam  
concessâ illa hypothesi tamen hinc non sequi per bonam con-  
sequentiam non nisi hepatis vitio nasci asciten posse) illud Ga-  
leni dogma *ἡ δὲ αἱματώσις* jam dudum à doctissimis viris in con-  
troversiam cæpit vocari. Et verò cum non omnis chylus ad  
epar feratur, patet, utique saltem non posse illi soli sanguifica-  
tionem adscribi. Ut enim nunc nihil dicam de lacteo chylo,  
cujus pars statim in venam cavam abit, pars in ipso pancreate  
in rudem aliquem sanguinem excoquitur, fanè potulentus  
chylus omnis à liene attrahitur per venas lacteis similes (quas  
pronuper orbi patefecit Ioan. Veslingius *ὁ μακαρίτης*) ibique  
aliquam coctionem subit, & in sanguinem aliquem elabora-  
tur; quod etiam Aristoteli jam olim notatum *lib. 3. de part. an.*  
*cap. 7.* *ὁ γὰρ πᾶν τὸν ἀνθρώπου ἐκ τῆς κοιλίας τὰς ἐνμάδας τὰς περιώδας καὶ*  
*δύνας συνπύθηναι, αἱματώδης ὢν,* & pluribus probat Cl. Præses *lib. de*  
*sang. gen. cap. 20.*



**LIV.** Quid quod etiam concoctio sanguinis, quæ in epate, sit, cordi majori ex parte sit referenda accepta, quàm epatis? teste quoque Averrhoë 2. *Colliget c. 9.* Cum enim ad internum chyli calorem (ut qui proxima effectrix sanguinis causa est) suscitandum requiratur omninò externus, manifestum est cordi potissimum deberi sanguificationis negotium, utpote à quo epas suam accipit calorem partim per arterias, partim per portæ venas, partim denique ex ejus vicinitate. Absque quo si esset tantum teporè aliquem jecur obtinere ipse Galen. fatetur *lib. de fæt. form. cap. 3.* Imò in venis etiam extra viscera sanguinem crudum excoqui verissimum est, ut hinc sanè rectè concludatur non soli parenchymati vim illam concoctricem concessam esse, ut pluribus docet Cl. Præses *lib. 1. cap. 19.*

**LV.** Si itaque sola sanguificatio læsa esset causa hydro-  
pis, non minus lien, & pancreas, & cor, & venæ, (ut quæ omnia coctionem sanguinis adjuvant) quàm epas hinc accusari deberent. Et ex liene quidem affecto læpius hydropem oriri testatur quotidiana experientia, & docet Auth. *lib. de affect. γίνεται ὕδρωψ καὶ ἀπὸ σπληνός, ὅταν νοσήσῃ* & Auth. *lib. 1. de morb. mul. ὁππότε γένεται δὲ ἀπὸ τῆς ὕδρωψ αἰεὶ, ἐπὶ μάλιστα ὁ σπλήν ἐλκεῖν ἐς ἑαυτὸν φύσει ἀργιὸς ὢν, καὶ μανύς.* Ex eo verò semper hydrops subsequitur, ubi lien naturæ rarus & laxus dā sese trahere consueverit. Idem Auth. *lib. 4. de morb.* docet Aretæus *lib. 1. diut. cap. 14. si ab affectu superentur, lienosi, aut scirrhus lienis laborantes, æqua intercurrentem aut phthisin necessariò sequitur.* Et Celsus *lib. 3. cap. 21. Non hujus visceris unius (epatis) hoc vitium est, nam splene affecto & in totius corporis malo habitu fit.* Constat quoque & pancreas scirrhosum sæpe hydropi causam dedisse, ut & cor & venas in febribus præsertim hecticis & colliquativis.

**LVI.** Ceterum non solum illæ partes, sed & aliæ, quæ propriè non faciunt ad sanguificationem, hydro-  
pis causa esse possunt. Notum enim est ex superioribus, sæpe in dissectis hydro-



hydropicorum cadaveribus, renes, testes muliebres, uterum mesenterium, intestina, omentum fuisse reperta vel scirrhusa omnino vel alio modo laesa, epate omninò salvo & sano. Et Hippocr. *lib. praeior. & in Coac.* hydropem etiam *ἀπὸ τοῦ νεφρῶν*, à laterum inanitate oriri scribit, id est à jejunò, lactibus, & tenuioribus intestinis, ut explicat Galen. *comm. 2. in progn.* Et verò utique in illis omnibus partibus paulatim colligi possunt tumores aquosi, qui rupti si effundunt aquam in cavitationem abdominis, necessum utique est nasci asciten.

LVII. Sed & fieri potest, ut sine vitio alicujus visceris hydrops nascatur: ut quando ab errore externo, id est, à potu conferto vel aquæ vel cerevisiæ, vel vini actu frigidi, serum in abdominis cavitate colligitur. Item si vas aliquod rumpatur, unde serum copiosè destillet, aut si calculus asper ureteres transiens eos quasi dissecet, unde urina confertim effluat. Idem accidere potest, si ex calculi vesicæ incisione vulnus non rectè consolidetur. An verò etiam ex intestinis perforatis humor aquosus exstillare & ventrem in tumorem attollere possit, ut Sennertus vult, meritò fortè in dubium vocaris: nec tamen multum repugnaverimus.

LIX. Atque ita quidem patet non solius epatis, sed & aliorum viscerum (latè nunc ita accepto vocabulo) vitio, imò ijs salvis etiam aliunde posse asciten originem ducere. Porro nec illud fortè verum, aquam, quæ vitio viscerum in abdomine colligitur, (ut de hâc ascitis specie nunc vel maximè agamus, ut quæ omnium est frequentissima) tantum ab intemperie eorum frigida generari. Imò vero similis est non nisi rarò ita nasci hydropem. Etenim cùm frigida intemperies defectus quidam caloris sit, ut passim docet Galen. defectus autem caloris inconcoctio, hæc autem imperfectio oppositorum passivorum, [ut pulchrè demonstrat Aristoteles *lib. 4. meteor. cap. 2.*] manifestum utique est, chylum e. g. qui ad epar refrigeratum  
E adduci-



adducitur, crudum atque imperfectum tantum relinqui, non  
verò attenuari in aquam. Neque etiam serum illud mite, de  
quo Aristot. lib. 3. hist. an. cap. 19. aliter generatur, expressè e-  
nim illud vocat αἷμα ἀπὲπτον, τὸ μὴ πῶ πειπέφθαι, sanguinem cru-  
dum, quia nondum concoctus est. Et 3. part. an. 5. αἷμα ἐξυπερθε-  
ρῆ ἀπὲψίαν, sanguinem dilutierem ob inconcoctionem. Est enim chy-  
lus multò tenuioris substantiæ, quàm sanguis (habet quippe se-  
se ad modum lactis) unde etiam hâc ratione, quod ita genera-  
tur, est quidem tenuius sanguine perfecto, crassius tamen lon-  
gè aquâ illâ asciticorum. Scilicet quæ coquuntur, crassiora  
& calidiora sunt, τοῖς τὸν γὰρ ἀποτελεῖ τὸ θερμὸν ἐνογκόπῃ ἐν καὶ παχύ-  
πῃ, καὶ ἐξηγῇ πῃ, calidum enim efficit tale melioris molis & crassi-  
us & siccus, ut idem scribit lib. 4. meteor. cap. 2. Quod elegan-  
ter huic rei accommodat Guarin. consulu. 563. ubi docet non pos-  
se aquam asciticorum generari ab intemperie jecoris frigida.  
Ejus rei causa illa est, inquit, quoniam omnis concoctio, dum fit affert  
semper incrassationem, ac cum diminuta est, eam affert diminutam,  
nunquam autem affert tenuitatem majorem. modò chylus cùm secundam  
coctionem subit, quanquam dum minus coctus, minus etiam crassus est,  
nunquam tamen aqua habitum nanciscatur, quæ tenuior ipso chylo est,  
sed aliquantò saltem crassiorem.

LIX. Et verò aqua illa, quæ ita vitio viscerum in abdo-  
mine coacervatur, plerumque longè aliæ naturæ est, quàm ut  
à frigida intemperie possit produci. Est enim plerumque fla-  
va, acris, salsa; cùm contrà in leucophlegmaticis quibusdam,  
ubi certò de frigiditate constat, ad album ferè vergat, & serum  
lactis imitetur, quod pituitosi generis est, ut idem observavit  
Guarin. l. c. Quin imò non videtur aqua asciticorum differre à  
sero illo acris, quod Aristoteles dicit generari καὶ τὸ λεῖπρόν, quod calor sanguinem (& ad eum modum fortassis etiam chy-  
lum) colliquet ac dissolvat; quo tempore cum corrumpatur es-  
sentia ipsius, non immeritò deinde mutat τὸ λεῖπρόν in τὸ δειφ-  
θῆν, Vide Hofman. lib. de ichor. §. 71.



LX. Et sanè hydropem asciten potius ab intemperie calidâ quàm frigidâ nasci: & authoritati Hippocraticæ doctrinæ & rectæ rationi & experientiæ doctissimorum virorum respondet. Ac in Hippocraticis quidem scriptis (neque enim omnia sunt Hippocratis, quæ ipsius nomine circumferuntur scripta, sed diversorum authorum) passim calori colliquanti adscribitur ascitis generatio. Ita *lib. de flat.* (quem librum olim Hippocrati adscriptum esse liquet ex *comment. Alex. Aphrodisæi ad Meteor. Aristot. lib. 2.*) Quòd si flatus per carnes perrumpentes corporis meatus rarefecerint, eos humiditas consequitur, cui viam aer ante struxit. Corpore autem madore perfuso, carnes quidem colliquescunt, tumores ad tibias descendunt, & morbus hic hydrops dicitur. Et paulò pòst: Est & hoc aliud ejus rei indicium, quod venter penitus vacuatus intra tridui spacium rursus impletur. Quidnam igitur aliud quàm spiritus impleat? quid vè aliud tam citò implere possit? neque enim tanta porus copia in corpus ingesta est, ac neque carnes quæ colliquescent in causâ esse possunt, cum ossa supersint & nervi & fibræ, ex quibus nulla quidem tanta aquæ copia augeri potest. *Lib. 4. de morb.* (cujus Authoridem est cum scriptore *lib. 1. de morb. mul.*, antiquissimus medicus quisquis tandem sit) Lien autem aliquantum egrotans potum ex ventriculo trahit, morbus autem suboritur, & scrotum pellucidum evadit, & jugulum, cervix & pectus extenuatur cum ex hoc morbo colliquescat, & humor in ventriculum defluat &c. *Lib. de affection.* Aqua intercutem plerumq; quidem oritur, ubi quis ex morbo longo non purgatus diu vitam traduxerit. Carnes namque corrumpuntur & colliquantur, inque aquam vertuntur. Et paucis interjectis: Aqua sanè sic gignitur, postquam carnes, pituita, tempore, morbo & vitiosorum humorum purgatione non facta, malâq; curatione & febribus corruptæ fuerint, colliquescunt, & in aquam vertuntur. *Lib. de intern. affect.* Ex pituitâ ad aquam intercutem hoc modo devenitur, colliquatur pinguedo & à pituitæ ardore aqua fit. Et non multò pòst: aqua intercutem ex his oritur, ubi æstatis tempore



siti pressus copiosam aquam biberit, quandoquidem inde fere gigni so-  
let, & pulmo expletus rursus in pectus dimiserit, tumq; in pectore ex-  
riterit, vehementem ardorem excitat, ita ut pinguedinem, quæ in ar-  
terius incst, liquefaciat, ac si semel pinguedo liquefieri caperit, longè  
citius aquam intercutem efficit. Eodem libro: si carnes aquam  
combibant & in se contineant, nusquam autem secedat, hac contin-  
gunt, siquidem in carne fuerit, ardorem ventri & carni exhibet, proin-  
deq; pingue quod in ventre est, colliquefit.

LXI. Galenus quoque hydropem ex colliquatione con-  
cedit, quando lib. 3. de caus. sympt. cap. 2. ita scribit: Fit igitur quedam  
veluti anastætheiosis, colliquatio sive resolutio, sive dissolutio sive quo-  
modoq; aliter nominare libet, aliquando totius corporis, aliquando  
succorum, qui in venis sunt duntaxat. Quod autem ex eâ colliquatione  
provenit, aliàs ad ventrem confluit, aliàs ad urinas, aliàs ad sudores  
pellitur. Ac succis quidem, qui in venis habentur, in serosam sanie[m]  
solutis, renes, qui ad excrementum id trahendum sunt nati potissimum,  
cùm sani sunt, serum quidem à venis expurgant, fluxionem autem ad  
vesicam assidue mittunt. Vbi autem renes trahere non valent, aut  
vena ejusmodi serum in ventrem mittant, aut toti id corpori partien-  
tes, subitaneos hydropum status inducunt. Neque verò dubitan-  
dum hæc rationis illas ὑδρωδεις esse verum ascitem, quicquid dicat  
Diversus, cùm causam eandem habeant, etiam si ἰζαιφιδίως su-  
bitò fiant. Ipse enim Galen. hydropes ex morbis acutis, in  
quibus etiam non potest non esse σπινθίς quedam, lib. 6. loc.  
aff. cap. 1. vocat simpliciter ὑδέγς Alex. Trallian. qui omnium  
optimè probat suam industriam in judicandis affectuum cau-  
sis, ad demonstrandum, ascitem potius à calidâ, quàm frigidâ  
intemperie oriri, adducit magnum illud Hippocratis argu-  
mentum, Curationem lib. 9. cap. 3. Vbi præsentem, inquit, intem-  
periem internoveris, ita ad curationem audacter accedas, non autem  
vulgarem opinionem sequaris: nempe aquâ intercutem laborantes quo-  
vis modo calefaciendos esse. Neq; enim hoc verum est, Nam ego  
plerosq;



plerosq. etiam à refrigerantibus medicamentis interdum adjuutos esse  
conspexi, atq. id evenire posse constat. Item Avicenna *fen. 14. rr.*  
*4. cap. 13.* Non oportet ut attendatur illud quod dicitur, quod hydropsis  
non sanatur nisi cum medicinis calidis. Multoties enim significat il-  
lud, quod testificatur, & experiri sumus, ut curemus nos, & qui fue-  
runt ante nos, apostema curatione sua, & complexionem calidam cum  
infrigidatione. V. etiam Averrh. *Colliger lib. 3. cap. 21.* Nicolaum  
*serm. 5. rr. 5. cap. 13.* His multi etiam ex recentioribus adstipu-  
lantur. Alex. Benedict. Christoph. à Vega, Argenterius, Gua-  
rinon. Fernel. Platerus, Brucæus, Tulpius, ex parte etiam  
Arnifæus.

**LXII.** Cæterum sepositis autoritatibus videamus quid  
sensus nos doceant. Certè calorem viscerum præternatura-  
em arguunt phænomena pleraque, febris, pulsus citatus, sitis  
exhausta, lingua arida, cibi fastidium, vigiliæ, extenuatio su-  
teriorum, color faciei rubicundior, urina tantum non ignea,  
alvus adstricta &c. Quæ sanè omnia (utut horum aliqua, sitis  
inquam, ariditas linguæ, extenuatio superiorum & alvi adstri-  
ctio possint recte tribui etiam illi ex vasis in abdominis cavita-  
tem humoris aquosi profluvio) nunquam à frigida intemperie  
possunt proficisci. Vnde Cardan. *comment. ad prognost. 1. libr. 2.*  
*Hippocraticus Medicus debet credere evidenter signis potius, quam*  
*rationibus persuasivis, vel à priori; ergo debet credere quod hydrops*  
*est à caliditate vel siccitate, vel utroque.* Neque est, ut dicas  
roduci illa symptomata à putrescente tandem seroso humore,  
uin imò sæpe antequam serum colligatur in abdomine appa-  
ent, nec demum morbo confirmato jam superveniunt.

**LXIII.** Præterea & viscera atque alia interanea in ab-  
domine, indurata, scirrhusa, putrida itidem de insigni p. n.  
lore testari possunt. Hinc Argenter. *comm. in lib. 4. §. 11.*  
*Multos hydropicos dissecai, in quibus deprehendi originem mali fuisse*  
*epate, sed non eam frigiditatem, sed induratum epatis substantiam,*



*& eam quidem non ob pituitatem vel humorem melancholicum, sed  
mata erat eadurities ob assationem.* Certè vehementem oportet  
esse calorem, qui epar in lapideam substantiam convertere, au-  
ita indurare potest, ut tanquam corium torrefactum atque cor-  
rugatum appareat, adeo ut ne cultro quidem inscidi possit  
quemadmodum observarunt Guarin. Tulp. alij.

LXIV. Neque enim verum est, scirrhum epatis aut lie-  
nis esse tumorem frigidum; quin potius sitis, oris siccitas, mult-  
bilis generatio, & tandem egestio biliosa, & icterus subsequen-  
eum calidum declarant. Declarat idem ejus generatio. Certum  
enim est omnem scirrhum oriri ab inflammatione; imò vero  
inflammationi scirrhum hæreditario jure succedere, quemad-  
modum id præclare docet Aretæus *lib. 2. acut. cap. 7.* Quò si  
mul apparet, admodum falli eos, qui in curatione semper cali-  
da adhibent remedia. Et de lapillis, qui vel in parenchymate  
jecoris, vel in ejusdem venis, aut etiam in vesiculâ fellis reper-  
untur, non est dubium, quin à calore concresecant.

LXV. Non verò perinde certum est de rimis seu fissu-  
ris epatis, quas Fernel. & Plater. ex siccitate ejus fieri scribunt.  
Fac enim suspendi epar aliquod in aëre ad solem aut ignem  
nunquam videbis illud rimis ita dehiscere. Neque etiam, qui  
epar ex succum omnino, torrefactum ac corrugatum corij in-  
star in cadaveribus hydropicorum observarunt, unquam me-  
minerunt ejusmodi rimarum, utique autem deberent ibi ve-  
maxime apparuisse. Cum tamen nec illis scriptoribus fide  
plane sit deneganda, videtur dicendum, rimas seu fissuras illas  
ortas fuisse ex ruptura τῶν ὑδατίδων.

LXVI. Putredo verò & illa in sanguinem quasi grume-  
sum dissolutio ac corruptio quorundam viscerum, non aliun-  
de possunt esse, quàm à colliquante calore. Soletque ejusmo-  
di corruptio tum vel maximè accidere, quando inflammatio  
in suppurationem aut abscessum desinit. Et sphacelus ac gan-  
græn



grana intestinorum, aliorumque infimi ventris partium inflammationis soboles sunt. Adnasci verò viscera diaphragmatis aut peritonæo beneficio caloris, affantis quasi in crustam superficiem eorum externam, etiam Iacobo Cameniceno est notatum. De boletis ac fungis, quod scribit Severin. rarum est. Interim nec illas sine calore, exsudante simul per laceras & erosas membranas humore superfluo, nasci certum est. Color quoque viscerum magnum indicium caloris præbet, ater qui-  
em adurentis, albicans verò, præsertim extrinsecus, elixantis quasi in humido; quemadmodum etiam alias viscera per elixationem suam amittere rubedinem videmus. Et si quæ alia in dissectis asciticorum cadaveribus deprehenduntur, tantum non omnia calorem arguunt.

LXVII. Præterea ascitem à calidâ potius causâ quàm frigidâ esse, etiam illud evincit, quòd sæpe succedat morbis calidis, febribus ardentibus, tertianis, quartanis, hæcticis, ictero, dysenteria &c. Item quòd ijs præsertim contingat, qui calidioris sunt constitutionis, ac calidâ victus ratione utuntur; & tantum quod potius curetur frigidis quàm siccis, quemadmodum hæc omnia ex superioribus sunt manifesta.

LXVIII. Nunc porrò videndum, quomodo calida illa temperies viscerum aquam seu serum possit generare, modò prius dicamus non tantum ex poto, ut Sennertus vult, sed etiam ex non poto humore serum illud colligi. Possunt id testari, qui ex continuo vini generosi, aut etiam spiritus vini & aquæ vitæ usu in ascitem incidunt, & se ab aquâ liberari, quam tamen non biberint, joculariter conquiescunt. Sæpe enim non respondet vini haustus collectæ abdomine aquæ. Argumentum verò illud (quod Sennertus offert ad suam sententiam confirmandam) de omnimodâ potum abstinentiâ, quòd hæc solâ quidam sanitati restituti fuerint, nihil aliud fortassis evincere videtur, quàm fomitem hoc modo fu-



do fuisse morbificæ causæ subtractum. Omnes verò ascitico sine discrimine tali curatione sublevari posse, equidem haud dixerim.

LXIX. Neque etiam serum illud proximè ex chylo semper nasci, illud indicio est, quòd partes ad quas chylus attrahitur, ut mesenterium, pancreas, lien, epar, sæpe nihil patiantur, mali, vitio interim existente vel in utero vel in renibus, vel in testibus muliebribus. Deinde notum ex §. 45 quandoque etiam foetum in utero materno hydrope corripitur qui tamen nihil accipit ore. Quin docet experientia in febribus acutis & hecticis subitò quasi abdomen intumescere aquâ argumeto, præter chylum etiam sanguinem, imò & pinguedinem & carnem seu quod circa fibras valaque hæret stupor modo, colliquari & in serum abire, testibus etiam Hippocrate & Galeno. Quemadmodum etiam videmus fieri in hydrope ad matulam seu diabete, ubi serum, quod cum urinâ emittitur copiâ excedit ipsum potum.

LXX. Interim etsi concedamus totam massam chyli, aut etiam sanguinis, tandem ita serescere posse; non tamen omnem sive chylum sive sanguinem, qui ad partem affectam affluit, simul ita affici patet inde, quòd sæpiùs observatum, sectâ in hydropticis venâ sanguinem satis rubicundum & paucò sero dilutum effluxisse. V. Guarin. *cons.* 369. & 563. Neque etiam aliàs laborante aliquo sanguificationis viscere, sanguis statim vitiosus lolet detrahi. Vnde Ballon. *1. Epid. & Ephem. multis putria viscera habentibus sanguis tamen demitur laudabilis.* V. etiam Volch. *Coiter obs. chirurg. miscel. p. 117.*

LXXI. Atque ita quoque constat non solum chylum sed etiam sanguinem, imò nonnunquam pinguedinem & carnem in serum colliquari ac resolvi posse. Videtur autem id fieri non uno modo, sed nunc quidem per simplicem colliquationem, nunc verò per colliquationem, quæ putredinem conjun



conjunctam habet. Priori modo chylus funditur seu liquatur in inflammatione illarum partium, ad quas allabitur, à calore forti & adurente partim in tenuiorem, partim in crassiorem substantiam, quomodo sese res videtur habere de lacte, dum coquitur. Ad eundem ferè modum & sanguis nonnunquam colliquatur in venis, & tunc crassior ejus pars solet in bilem aduri, eamque variam, flavam, porraceam, æruginosam, atram; tenuior verò necessario fit serosa, constituitque serum illud acre. Posteriori modo & sanguis & pinguedo in serum possunt abire, maximè in febribus ardentibus & colliquativis. Neque enim tanta corruptio & ἀναστοιχείωσις seu in elementa dissolutio (ut vertit Guarin.) qualem hic sæpe subito fieri videmus, à simplici quadam intemperie seu phlogosi potest proficisci. Sed omninò major quædam vis hîc requiritur. Videtur autem potissimum id fieri vi atque acrimoniâ putridorum humorum, qui σήπησιν virulentiam contraxerunt. Et quidem σύντηξις illam pinguedinis & mollis carnis, quæ in febre fit ardente, putredinem potius quandam esse, quàm simplicem colliquationem, docet quoque Cl. Praeses *lib. de Cal. inn. cap.*

14.

LXXII. Fieri verò ejusmodi colliquationem in omni etiam inflammatione paulo majore, per est verosimile. Patet id ex ichoribus illis, quas partes inflammatae solent fundere, plus minusve pro copiâ affluentis sanguinis & ratione partis affectæ. Ita Guarin. *cons. 369.* testatur sæpius se vidisse inflammatos pulmones, thoracem aquâ complevisse; item faucium inflammationem aquæ incredibilem copiam per os effudisse. Et in epatis inflammatione multum serosæ materiæ colligi docent dejectiones illæ hepaticæ acres subcruentæ, quæ ferè subsequi illam solent; aut etiam mictio plurima; quæ si contingat, solet illa plerumque periculo vacare. De aliarum partium inflammationibus, & quidem quæ sunt sine ulcere, scribit Ga-



len. 5. loc. aff. cap. 7. *Vbi* cunq; partes inflammatione laborant, nisi ob-  
stet pars alia densa & crassa, ab initio quidem tenues ichores ab illis  
defluunt, postea verò quàm coqui ceperunt inflammationes, crassiores  
& purissimiores. Et 2. progno. 50. *Vbi* cunq; obstaculum non est, velut  
in foraminibus narium, in oculis, in ore, si ibi contingat oriri inflam-  
mationem, defluunt ab illa humores tenues, ichoribus ulcerum non dis-  
similes. De inflammatione verò cum ulcere ita scribit lib. de  
Tum. p. n. cap. 2. Aliquando maximè accidunt inflammationes cum  
ulceribus videturq; tum effluere ichor aquosus tenuis, toto circumcir-  
ca loco sanguinea apparense. Neque etiam aqua illa articularis,  
quam chirurgi das *Gliedwasser* vocant, aliter generari videtur.  
Et sane idem fieri in alijs partibus inflammatis, liene, pancre-  
ate, mesenterio, renibus, utero, testibus muliebribus par est  
credere.

LXXIII. Non potest autem non quod ita colliquatur  
esse acre, non tam ob calorem proprium, ut qui ferè hîc destru-  
itur, quàm alienum. Nec dubium, quin ex diuturniore mo-  
rà in abdomine acrimonia illa augeatur ob viscerum calido-  
rum vicinitatem. Cum verò etiam in ejusmodi colliquatio-  
ne multæ fuligines sive adustæ exhalationes generentur, hinc  
fit, ut salsedinem quoque contrahat illud serum. Quemad-  
modum etiam aliàs & sudor & urina inde salsa solent reddi, ut  
præclarè docet Cl. Præses lib. de Cal. inn. cap. 11. & 17. Neque  
verò ferendum, salem, qui in urina & sudore deprehenditur  
ex alimento esse secretum, quod Chemici statuunt, & placet e-  
tiam Sennerto lib. 1. instit. cap. 9. Non enim temerè quis dixe-  
rit in omni cibo actu salem esse, etsi arte chemicâ aliquid ejus  
inde possit elici. V. Cl. Præses lib. de Hermet. med. cap. 22. Porro  
nec flavedo illa feri fortassis aliunde est, quàm ex admistâ falsu-  
gine, quomodo videmus & lixivium omne esse fulvi coloris  
eandem ob causam.

LXXIV. Caterùm si serum quod ita generatur, non eva-  
cuari



uari contingat five per sudorem five per urinam five per al-  
vum, necessario illud aut circa partes inflammatas restagnat  
propter obstructionem venarum, aut simul cum sanguine per  
venas in corpus defertur. Prius si fiat, statim in ipso abdomi-  
ne inter peritonæum & intestina aqua solet colligi: sin posteri-  
us, etiam alibi, ubicunque scilicet venæ laxiores fuerint, nunc  
extra peritonæum sub musculis abdominis, nunc in thoracis  
cavitate, pulmone illaeso, ut Coiter & alij observarunt.

LXXV. Et ita quidem serum præter naturam nascitur  
& colligitur. Cæterum quin & illud serum, quod secundum  
naturam in corpore abundat (cujus beneficio tum alimentum  
distribuendum redditur liquidum, tum vapores etiam nascun-  
tur, absque quibus alias corpus bene se non habet) ita quo-  
que ob calidam interancorum intemperiem possit aliquando  
coacervari, non est dubium. Obturatis enim & calefactis  
meatibus, quicquid in venis seri continetur, cum difficillimè  
in vesicam abeat aut alvum, necessario ibi præ calore & sicc-  
itate vasorum subsistere cogitur, ac paulatim stagnare. Fieri  
autem id præcipuè circa prima corporis receptacula, mesente-  
rium, pancreas, lienem, vero maximè est consentaneum. Cum  
enim huc primum deveniant assumpta, non possunt non eti-  
am hæc omnium primò affici. Et in mesenterio quidem eò fa-  
cilius possunt coacervari humores, quò glandulis est pluribus  
præditum, quod etiam notatum Hippocrati *lib. de gland.* Et  
confirmatur hoc, quòd Rondeletio teste illæ ipsæ glandulæ  
in omnibus hydropicis deprehensæ fuerint induratæ admo-  
dum & scirrhusæ, quasi ita affectæ prohibuerint aquosi exi-  
tum humoris.

LXXVI. Idem de pancreatis & lienis aut etiam epatis  
scirrho sentiendum. Quadrat huc maximè, quod scribit Auth.  
*lib. 4. de morb.* Cum morbus supervenerit, multa aqua accessio fit ex  
ventriculo, ubi quis biberit & semper ad lienem fertur. In hoc au-



sem morbo contingit ut non alià de causâ in ventriculo febris excite-  
tur, quàm cum quis sitierit, vesica verò & ventriculus non rectè trans-  
mittant, neq; conveniente victus ratione homo utatur. Lien verò  
aliquantum agrotans potum ex ventriculo trahit &c. Et paulò post:  
At verò circa ventriculum solum aqua intercitem istam ob causam ex-  
oritur. Etenim ubi magna copia accesserit, neque per exordia ad in-  
feriores partes via datur, sed coacervata in venis resideat &c. Vi-  
de etiam lib. 1. de morb. mul. Hunc sequuntur Car. Pilo lib. de  
morb. à colluv. seros. oris & Sennert. lib. 3. pract. p. 6. s. 2. c. 3. q. 2.  
Et ita etiam nasci asciten ob errorem externum certum est;  
cùm scilicet ad lienem plus potulenti chyli confluit, quàm ite-  
rum transmitti possit.

LXXVII. An verò epar aquâ plenum possit in omen-  
tum erumpere, ut Hippocr. vult lib. 7. §. ss. meritò dubitatur.  
Galen. quidem in comm. illud de hydatidibus interpretatur,  
verùm negat posse ab epate aquam in omentum effluere, ut  
quod undiquaque solidum & firmum sit, quodque nihil in i-  
psum ex aliquâ parte possit incidere, nisi ex ventriculo, colo  
intestino, ac liene, illisque partibus, unde illud enascitur.  
Quod ipsum & anatome comprobat; etsi Hofman. lib. 2. in-  
stit. cap. 33. etiam epati, imò & diaphragmati illud annexi cre-  
dat. Neque verò audiendus hîc Ioh. Liebautius, qui illud sic  
τὸ ὤμιλον simpliciter intelligendum vult intra omentum, non ex-  
tra omentum, aut sub omentum; neque etiam Sennertus, qui ver-  
botenens illam Hippocratis sententiam retinere allaborat. Præ-  
terquam enim quòd ipsum omentum non connectatur cum  
epate, etiam nulla datur via, per quam epar aquam in omen-  
tum possit exonerare. Quas enim habet venas, à portæ qui-  
dem ramis habet, per illas autem potius sanguinem regredi  
ad epar patet ex doctrinæ à de motu sanguinis. Neque eti-  
am per lobum illum exiguum epatis in omentum destillare  
aquam



quam facile probabit Spigelius. Ponit enim tantum quod  
possit ita fieri, non quod fiat, quod tamen in causis investigan-  
dis non est ferendum. Verum Hippocratis errorem de situ o-  
menti etiam Reald. Columbus notavit *lib. 11. cap. 6. de re anat.*  
Fortassis autem cum Galeno dicendum: *vel vult. Hippocr. omen-*  
*tum exedi in partibus scilicet dextris ipsius, secundum quas est*  
*epari vicinum, vel ad omentum audire oportet, hoc est ad*  
*ipsius locum.* Quam interpretationem etiam Mercurial.  
probat *comment. in ipsum §.* Quin tamen aliàs serum ad o-  
mentum regurgitans eò possit coacervari & effundi non est du-  
bitandum. Constat enim magnis & laxis vasis, quæ in tam ra-  
â & laxâ membranâ facile possunt aperiri.

LXXIIX. Colligitur autem serum in cavitate abdomi-  
nis sub peritonæo aut etiam extra peritonæum, non per cæcos  
luctus & vaporis specie, ut quidam volunt, inter quos est Gua-  
rinon. sed vel tunicis venarum rarefactis per *Ἀββων*, vel aper-  
is earum orificijs per *ἀνατόμων*, quomodo etiam aliàs fieri so-  
let, quando vitiosi humores ad alvum deponuntur aut motu  
naturæ critico, aut exhibitio pharmaco. Neque verò sangui-  
nem simul effluere statim est necessum. Est enim crassior mul-  
tò, adeoque præterfluit patula illa venarum orificia. Et sane  
ejusmodi seri effluvium absque sanguine etiam alibi observa-  
re licet. Ita testatur Philip. Salmuth. *obs. med. cent. 1. obs. 37.* se-  
vidisse cuidam honesto viro nares pituitâ tenui guttatim stil-  
lasse integrum triduum, per intervalla tamen. Idem accidisse  
etiam virgini cuidam ibidem refert. Proculdubio autem &  
hic separatio aliqua facta fuit humoris serosi à reliquâ massâ  
sanguineâ. Neque enim in cerebro tanta copia latere po-  
test absque gravitate. Ita etiam mulieri illi apud Fernel. sa-  
burra hydropica per venas menstruales expurgata fuit absque  
sanguine. Per alvum sive spontanea diarrhoeâ sive pharmaci  
vi idem sæpenumero fieri, notissimum in vulgus est.



**LXXIX.** Præterea & ex vulnere superficiali, aut ulcer-  
e patis ac lienis, aquam excidere posse ad eum modum quo u-  
cera aliarum partium excrementa humida excernere solent  
eo facilius concedendum, quo magis humiditate scatent ill-  
viscera. V. Arnif. *disp. de hydrop.* §. 10. Ita etiam ex rupturâ *ὀδῶν*,  
*πιδῶν*, quas Fernel, rimas seu fissuras vocat, destillare posse se-  
rum in cavitatem abdominis, verosimile est. Non autem in  
omnia scite hoc fieri, ut ille vult, ex ijs, quæ supra sunt allata,  
sat abundè patet. Observandum interim Fernelium sæpe ita  
impingere, atque ex particulari eventu universale quid perpe-  
ram pronunciare.

**LXXX.** Et ita quidem serum in cavitate addominis sive  
intra sive extra peritonæum colligitur. Quomodo verò ve-  
siculæ aquâ plenæ in corpore generentur, difficilius est expli-  
catu. Et quidem agnovit illam difficultatem, qui primus ali-  
quid de hisce memoriæ prodidit, Aræteus, cum inquit: *Ὅθεν*  
*αἱ γεννῆται τῆς βεσικῆς ἐκέρχονται, οὐκ ἔστιν ἡσυχῇ ἀποκατα-  
σταθῆναι, ἀλλὰ καὶ οὐκ ἔστιν ἡσυχῇ ἀποκατασταθῆναι, ἀλλὰ καὶ οὐκ ἔστιν*  
*ἀποκατασταθῆναι, ἀλλὰ καὶ οὐκ ἔστιν ἀποκατασταθῆναι.* Ego verò  
nunquam vidi: idcirco neq; nunc scribendo affirmo. Neque enim  
de his quod dicam habeo. Nam sive ex colo sive ex ventre profici-  
cantur, quis coagmentationis modus sit? Iter enim ad omnium excre-  
tionem per sedem lubricam, ac patens est, at ipsius humoris in illico  
collecti per intestinorum rupturam egressio credi non potest: neque e-  
nim innoxium, neque citra perniciem intestini vulnus est. Quo-  
simul patet, etiam ante ipsum fuisse, qui vesiculas ejusmodi  
observarint, sed absurdam omnino fovisse de illis opinionem,  
quos ille hoc nomine etiam rectè refutat. Fortassis verò cum  
doctissimo Coitero dicendum, naturam non solum in rerum  
procreatione, verum etiam in morborum depulsione frequen-  
ter ludere ac luxuriari, quod videre est in hernijs aquosis &  
variis congestionibus, quæ passim in partibus corporis pro-  
creantur.



reari solent. Vnde non mirum, inter membranas, quæ in inferiore ventre multæ reperiuntur, aquam ejusmodi renuem præsertim si in corpore abundat) colligi, iisque expansis, vacas formari.

LXXXI. Atque hætenus causam ascitis immediatam proposuimus, pergamus nunc ad ejusdem causas mediatas & remotas. Et illæ quidem vel intemperiem interaneis inducunt, vel serum in corpore cumulant. Intemperiem inducunt præcipuè calidam victus ratio calidior, cibi acres aut falsi, vitales sunt carnes sale muriaque conditæ, aut fumo induratae; imo omnia dulcia, acris, salsa, amara, austera & carnosæ calidiores facere solent, tum quæ sicca sunt, tum quæ humida; quæ igitur plus calidi in se habent, ea siccant & quidem calefaciunt, quæ verò plus calidi, hæc omnia calefaciendo humectant &c. ut loquitur Hippocr. lib. 2. de vict. rat. Peculiariter verò ficus virides & poma multa, item multum racemorum cibum & mustum copiosum, quam intercutem inducere scribit Auth. lib. de int. aff. Quod quidem hæc præstare videntur, quatenus fermentationem humorum in corpore excitant. Eâ sanè ratione fructus hos etiam dysenterias, diarrhoeas aliosque morbos producere verosimile est, habent enim illi ζωωδεν, eoque etiam exacerbat corpus facile effervescunt, quemadmodum docet Cl. Præceptor. lib. de ferment. Et de uvarum quidem racemis & ficibus Ad S. ix. Hippocr. lib. 2. de vict. rat. scribit: uvarum racemi calidi & humidi alvum deiciunt, præcipuè quidem albi. Dulces igitur potenter calefaciunt, quod multum jam calidi obtrineant. — Ficus & uvæ assæ astuosæ sunt, alvum tamen deiciunt. Ficus viridis humectat, alvum deicit & calefacit, adeoque non est, ut credamus Dioscoridi ficus siccas hydropicis aptissimas esse, cum & ipsæ calefaciant & sitim magis stimulent, etiam ipso Dioscoride teste, lib. 1. cap. 184.

LXXXII. Præterea & viscera calefaciunt vini generosi,



rosi, aut spiritus vini usus immodicus, aquæ palustres, pluviae, & statariæ, quas ventri & corpori ardorem exhibere posse etiam Authori *lib. de int. aff.* est notatum, nec mirum cum habeant in se multum terrei adusti. Præterea aromata, medicamenta calida & fortia imprimis purgantia, item elixiria, quæ pro excitando appetitu imprudenter bibi sæpe solent, ne nunc quid dicam de magnis animi & corporis motibus aut vigilijs immodicis.

LXXXIII. Suppressæ consuetæ evacuationes sive per hæmorrhoidas, sive per uterum, sive per alias vias asciten inducunt, non calorem nativum suffocando, ut communiter statuitur, sed calorem præternaturalem visceribus imprimendo. Docent id febres & alia symptomata, quæ ferè subsequi illas solent. De hæmorrhoidibus quidem suppressis V. Hippocr. *6. §. 14. & 6. Epid. §. 3. §. 28.* De mensibus verò Auth. *lib. 1. de morb. mul.* Galen. *6. loc. aff. 5.* Eadem ratione ascites ex vitioforum humorum purgationis defectu contingere potest, si credimus Authori *lib. de affect.* Non solum autem hinc calorem viscerum augeri, sed & serum in toto corpore cumulari certissimum est. Etenim suppressio illa evacuationum solitarum facit ad asciten, eo quod ita restagnent in corpore multi humores serosi, qui si exitum inveniant in cavitatem abdominis, ascites subsequi necessum est.

LXXXIV. Præterea ad seri collectionem multum quoque aër facit. Et austrinus quidem per se multum induci aquæ corporibus & colliquat concreta; quin & vapores salios adustosque emittit, est enim calidus auster & comprehendit multam exhalationem ficcā docente Aristotele *lib. 2. meteor. cap. 3.* Eodem modo & pluviae humectant corpora & humores aquosos reddunt. Aquilonius verò aër collectionem seri promovet, dum prohibet rejectionem. Spissat enim ill  
corpor



corpora & calefacit, ventresque acriores reddit. Hippocr. *lib. 3. §. 17. & lib. de aër. aq. & loc.* Adeoque non est, quod scribat Petr. Paul. Pereda in *Paschal. merb. cur.* aërem nunquam posse facere ad hydropis generationem, eò quòd non possit ad epar penetrare, illudque refrigerare; quasi verò non alio modo corpus possit afficere.

LXXXV. Multum quoque seri in corpore generare possunt alimenta quædam frigida & humida, qualia sunt lactuca, cucumeres, melones, persica &c. & quæ à Pythagora damnata est atriplex, ut quæ hunc affectum peculiariter efficere credatur, ut tradit Plin. *lib. 21. nat. hist. cap. 30.* Faciunt huc etiam flatulenta, quoniam multam continent humiditatem frigidam nec percoctam; & cruditates & buprestes, ut Aretæus observavit.

LXXXVI. Ac buprestes quidem cum sint genera quædam cantharidum, ut tradit Dioscor. *lib. 2. cap. 6.* & ijs viribus quàm maximè adsimiles, mirum est, quomodo non aquam promoveant per urinam, quod de cantharidibus etiam extra applicatis scribit Fernel. *lib. 3. cap. 6. M. M.* sed eam potius supprimant, quemadmodum docet Dioscor. *lib. 6. cap. 3.* *Qui buprestem biberunt, non dissimile nitro virus sapiunt: stomachi ventrisque vehemens dolor insequitur: ὄγκος τοῦ σπλάχνος καὶ κοιλίας σφοδρὸς ὁμοίως ὑδρωπικοῖς, tam venter quàm stomachus, ut in aqua intercutem difflatus inturgescit: universa corporis facies contenditur, urina supprimitur.* Videtur autem maximè id fieri quòd interanea nimis calefaciant, unde serum stagnare cogatur.

LXXXVII. Quomodo frigida confertim haustæ potus hydropem inducat, supra §. 76. ex parte dictum est. Scilicet non tam ob refrigeratum epar, ut vult Galen. *s. loc. aff. 7.* quàm quòd lien, postquam irâ, febre, æstu, laboreque incanduerit, subito ad se rapiat frigidam, eamque in omen-



tum revomat, ut quidem explicat Auth. *lib. 1. de morb. mul.* qui tamen rectius fortè dixisset iniici ex liene aliquid in cavitatem abdominis. Fit vero ejusmodi hydrops subito, & facilè etiam curatur. Deniq; post evacuationes sive menstruas sive hæmorrhoidales sive per nares, sequi ascites solet, non tam quidem, quòd hinc occasio ejus generationi præbeatur, quàm quòd jam ante vitio aliquo laborarint viscera, unde sanguis serosior atque acrior gigni potuerit. Facere enim hæmorrhagiam præcipuè sanguinis tenuitatem & acrimoniam maximè cum viscera obstructa sint, etiam Volch. Coiter notavit.

LXXXIIX. Cæterum ascites, qui alijs morbis præcipuè longis (nam de eo, qui ex febribus acutis aut colli- quativis oritur, supra dictum) succedit, præsupponit & ipse quoque magnam viscerum dyscrasiam, unde materia quæ priores morbos fovebat, ad ventrem diverti, eumq; in tumorem attollere possit. Et sanè ejusmodi humorum *παρας* ac *μεταστροφαις* in multis morbis observare licet. V. Ballon. 2. *Epid. p. 260. & 261.* Sed hæc pluribus nunc explicare non fert instituti ratio. Tandem & ab hydro- picis parentibus nasci interdum & hydropicos liberos, fortassis non est, ut dubitemus. Videmus enim id sæpe alias contingere: morbidi patrimonii hæredes naturâ liberos instituentem.

LXXXIX. Atque de causis quidem tam immedia- tis quàm mediatis hætenus: consequens nunc esset ratio- nem reddere eorum omnium, quæ circa hunc morbum accidere supra notavimus. Verùm cum pleraque ex ijs, quæ jam tum allata sunt, facilè possint decidi, tantum ea nunc considerabimus, quorum causæ minus sunt mani- festæ. Et primò quidem tumores oedematosi (nam de- triformi illo non est, ut verbum addamus) oriuntur à re-  
mii



nui & mobili sero insinuante sese per capillares venas & arterias in cutem & huic subjectam carnem, unde etiam initio non solent esse stabiles, sed modo assurgunt, modo desinunt; postea vero in habitu corporis externo frigidiore jam reddito sero, subsistunt. Atque tum quidem cutis ejusmodi sero irrigata splendescit & impressa vestigia aliquo usque retinet; scarificata vero, aut leviter tantum scalpta, meram sudat aquam. Quemadmodum etiam in aliis cachecticis fieri consuevit. Ita refert Salmuth. *Cenz. 1. obs. 87.* virgini cuidam ob suppressos menses dyspnoeâ laboranti per scarificationem ne guttam quidem sanguinis sed merum ichorem evacuatum fuisse: quale quid etiam in tribus alijs eodem modo affectis contigisse observavit, quæ si forsan digitum vulnerassent vel acu vel cultro, puram prorsus aquam effluxisse.

XC. Deinde tumor crurum ac pedum accidit, humore per tunicas peritonæi sive exesas sive ruptas, sive quâ aliâ ratione laxatas perumpente, atque in vacua musculorum spatia & eam quæ cuti subest intercapedinem defluente, aut vasis iterum recepto per arterias in crura insinuato. V. Cl. Præses *lib. de sang. gen. & mor. nat. cap. 25.* Et si fortè hîc aut etiam alibi ulcera excitentur, difficulter sanescunt, quod serum illud sit salsum, acre & adustionem plerumque passum. Hinc etiam pruritus ille corporis & scabies sicca & erysipelas. Neque enim erysipelata, quæ asciticis accidunt, semper ex bile flavâ ut vult Guarin. *cons. 563.* aut ex sanguine bono, sed quemadmodum in scorbuticis (quibus admodum adfines sunt ascitici) vel maximè ex serosiore sanguine ori solent. V. Cl. Præses *diss. de Scorbuto.*

XCI. Contabescunt verò partes supernæ, dum vi ignis interni colliquantur ac consumuntur, & simul etiam



ab acri illo falsoque humore corroduntur, quemadmodum etiam supra dictum. Sudor est difficilis vel ob constipationem meatuum, vel quod aliò divertatur serum. Et observavit Smetius *Misc. Med. l. 8.* illos præcipuè difficulter sudare, quibus jecur aut lien, ætate morbove inaruit, vel obstructione magnâ aut scirrho obduruit: contra quibus calore humoreque naturali abundat, quavis ex causâ sudore diffluere: fortassis itidem ob faciliorem aut difficiliorem feri in corpus distributionem.

XCII. Lassitudo, quam percipiunt hydropici, plerumque est ulcerosa, adeoque ab humoribus acris in fibras musculorum sese insinuantibus ora. V. Galen. *lib. de tuend. valer.* Cum verò & illi humores faciliè in fumum abeant falsum atque acrem, hinc non possunt non in varijs partibus dolores excitare; continuos quidem, si perpetuò generentur ejusmodi fumi, vagos, si huc illuc moveantur. Ventrìs autem dolores, quibus, antequam morbus ipse sese prodatur, sæpe solent corripì ægri, non videntur aliunde esse, quàm à mésentèrij phlogosi aut inflammatione; qualem in omnibus febricitantibus colicos dolores passis visam sibi Adr. Spigel. testatur *lib. de febr. semit. cap. 4. & 13.*

XCIII. Febris illa asciticorum continua & lenta, non ex aquæ collectæ (verba sunt Smetij *Misc. Med. lib. 8.*) putrescentis culpâ originem trahit, sed potius ex affectu primario visceris alicujus, ut scirrho epatis. Nec verò solùm intermittentium febrium, ut Fernel. vult & Hofman. sed & continuarum sedes & origo in infimo ventre solet esse. Ita testatur Adr. Spigel. *lib. 1. de Semitèr. cap. 10.* se in iis, qui febre quotidie sese exacerbante, præcipuè circa vesperam (qualis & asciticorum est, teste Guarinonio) in modum duplicis tertianæ perierunt, putredinem deprehendisse non



non in venis majoribus, sed in inflammato alicujus primæ  
regionis viscere, vel aliâ aliquâ reconditâ parte, inflamma-  
tione paulò minori, quàm dolore ab ægro vel tactu hypo-  
chondriorum à medico & ægroto nosceretur.

XCIV. Angustia illa præcordiorum & spirandi la-  
bor oritur vel maximè à compressione diaphragmatis, æ-  
quante circa illud humore seroso, præcipuè in cavitate  
Aquapendentis, quam vocant, aut etiam in ipso ventri-  
culo. Sæpe enim nondum apparente abdominis tumore  
jussmodi dyspnæa percipitur, quæ deinde crescente a-  
quâ augetur. Guarin. *cons.* 369. vult eam accidere, quòd  
pulmones sint sicciores & duriores ob egestatem humidi  
alimenti. Sed & jecur diaphragmati non solum onerosum,  
sed etiam firmiter accretum, quò minus spiritus liberè tra-  
hatur, efficere potest. V. Tulp. *lib.* 2. *cap.* 34. Hinc quoque  
tussis sicca seu *Opus* oriri solet. V. Cardan. *contrad. Med. lib.*  
*17.* 3. *contrad.* 19.

XCV. Alvi profluvium & quidem initio accidere  
solet, ubi aqua iterum in venas recepta ad alvum depo-  
nitur, quomodo etiam vi pharmaci alicujus illam evacua-  
ri videmus. Quâ ratione verò alvi fluor consequatur; si  
laterum inanitate ascites ortum duxerit, docet Galen.  
*omn. in pranot. Hippocr.* Alvi fluor, inquit, peculiare est aquæ  
intercutem ex inani parte affligentis, ubi jejunum & lactes in-  
flammatione vexentur. His enim potissimum venæ debiles sunt,  
per quas jecur ad se trahit alimentum: ita fit, ut nequaquam in-  
serviant visceri ad diductionem, neque maneat in jejuno tenu-  
ioribusq; intestinis alimentum. Quod si graventur ab eo utpote  
debilia, statim id omne pellunt deorsum: atque hæc alvi floris  
causa est. Quin etiam corrumpi alimentum, bilisq; colligi co-  
piam ratio est ob calorem partium, quæ inflammatione vexan-  
tur, & ob eam rem intestina admodum mordentur, proindeq; in-  
citantur



*citantur ad excernendum contenta ibi excrementa: atque hac  
rursus altera causa alvi fluxus est. Cæterum longè aliara-  
tio est alvi fluxus, qui symptomaticè accidit, cum enim  
hic vires admodum deiciantur, indicio est, magnam fieri  
in toto corpore colliquationem.*

XCVI. Urina parcior redditur, non quòd renes  
semper obstructione laborent, sed quòd alibi serum inve-  
niat egressum, adeoque quà datà porta ruat, perinde at-  
que in venà sectà fieri videmus. Menses nunc parcius nunc  
largiùs fluunt, nunc etiam magis vel minus colorati sunt,  
prout scilicet vel uterus ipse affectus fuerit, vel materia  
peccans aliunde transmittatur.

XCVII. Somnus suboritur à vaporibus humidis  
in caput transmissis, vigiliæ à siccis & calidis. Guarin. *cons.*  
*194. jecora obstructa — possunt obstructione suà febres movere,  
possunt humidos vapores in caput submittere, possunt & siccis, se-  
non à crudo humore sed ab eo ichore, qui flavus & torrefactus sit,  
& paulò post: vigiliæ siccum humorem secutæ, cruditates sopor  
nimius. Sed quomodo ab ejusmodi humidis vaporibus  
somnus concilietur, docet egregiè Aristot. lib. de somn. &  
vig. & Averrh. lib. 3. collig. cap. 21. Adeum verò modum &  
epilepsiam generari Arist. observavit. ὁμοιον γὰρ οὖν πρὸς τὴν  
λήψιν, καὶ ἐστὶν τροπὴν πρὸς τὸ οὖν πρὸς τὴν ἐπιλήψιν ut scribit. l. c. cap. 3.*

XCIIIX. Cæterum hæc omnia accuratè excutere  
longioris temporis negotium est & minime nostri institu-  
ti: quare quod proximum est, ad curationem faciemus pro-  
gressum. Patet autem per se statim, inveteratum hydro-  
pem immedicabilem esse, ut & qui ex ureterum aut vesicæ  
læsione, ruptione, aut exulceratione oritur; difficulter sa-  
nari, qui alijs morbis succedit, Auth. lib. de aff. præcipuè fe-  
bribus colliquativis; faciliùs curationem suscipere in quo  
viscera non admodum læsa; & quò pars ignobilior est, quæ  
serum



serum excidere finit, eò ascites mitior est, & diutius gestari solet: facilius etiam hydropem curari in servis, quam liberis Celsus scribit, *lib. 3. cap. 11.* in universum quomodo affectos esse oporteat, quibus spem facere debemus, explicat Hipp. 2. *progn. V. supra §. 29.*

**XCIX.** Itaque quum ascitis causa continens sit serum in abdomine collectum, illud autem rarò sine vitio viscerum generetur, patet non solum in curatione dandam esse operam, ut serum illud evacuetur; sed etiam vel maximè tantum non semper prospiciendum, ut labes viscerum corrigatur. Atque hinc oritur duplex indicatio, altera curatoria, quæ à causa continente petitur, altera præservatoria, quæ à causis antecedentibus. Ita etiam Galen *lib. 2. ad Glauc. cap. ult.* *In hydropes duplex est intentio, ut scilicet sanetur tamor durus in viscere, & ut superflua humiditas discutiatur.*

**C.** Quamvis autem si secundum methodicam curationem procedere velimus, prius causæ eo ordine, quo se in generatione mutuò consequuntur, sint removendæ, atque ita siquidem adfit viscerum labes, ob quam aqua in abdomine colligitur, primò sit emendanda; tamen, cum aqua illa, quò diutius in ventre remoratur, eò gravius vitium contrahat, atque interaneis plus malicauzas antecedentes vel fovendo vel augendo inferat, adeoque medicamenta pro causis tollendis sine fructu exhibeantur, omnino id dandum operæ, ut aqua collecta quàm primùm evacuetur; nisi forsàn ascites adhuc recens sit, aut potius incipiens. Atque hoc etiam observarunt omnes Practici, Paulus *lib. 3. cap. 8.* *Curantes ipsos in communi quidem ab evacuatione initium faciunt.* Et Trallian. *lib. 9. cap. 2.* *omnium curatio à vacuatione incipienda.* Est autem evacuandi aquam multiplex ratio; per foramen in abdomine factum, per setacea, scarificationes, vesicatoria; item per vomitum, per alvum, per vesicam, per sudores,



sudores, per ἀδελον Δαπνοήν. De quibus omnibus nunc ordine agemus.

CI. Promptissimè aqua per παρακένθησιν educitur, Galen. lib. 14. M.M. cap. 13. quum quidem Erasistratus tanquam exitiosam ac inutilem damnavit, sed rationes, quas affert, parvi sunt momenti & refutationem vix merentur. V. Pareus lib. 7. cap. 12. Etenim si natura interdum sponte rupto umbilico aquam evacuare soleat magno agrorum commodo Amat. Lusit. cent. 5. cur. 37. Bald. Ronseius in Append. Epist. 2. Valleriol. lib. 4. obs. 3. Schenck. lib. 3. obs. 147; si casu vulnerato aut rupto ventre & aqua effluente quidam sanitati restituantur, Paschal. Meth. cur. morb. l. 1. c. 44. Franc. Roussel. de parv. Cas. Thom. Fien. chirurg. tr. 6. cap. 1; quidni ergò & nos naturam imitemur, & artificiali vulnere facto aquam educamus?

CII. Instituenda autem paracenthesis statim initio, secundum illud Hippocratis 6. Epid. s. 7. ὕδρωπιῶντας αὐτίκα τέμνειν, dum scilicet ægri adhuc sunt ἑυπλάγχοι (id est viscera habent talia quæ ad statum naturalem redire possunt) & antequam aqua ex diuturnâ morâ insignem putredinem contrahat; alias enim, quâ parte sectio facta est, & erysipelas & gangræna consequi solet, ut observavit Ballon. 2. Epid. p. 203. & Th. Fienus chirurg. tr. 6. cap. 2. Et si qui mortui sunt ex sectione, ex eo mortuos censet Aurelian. 3. chron. quod tardiùs aut negligentius puncti fuerint. Quod fortassis Avicennæ & Gordonio respondendum, quando ille quidem admodum paucos, hic verò nullos à paracenthesi superstites fuisse scribit. Periculo etiam non vacat, si confertim aqua emittatur, unde Hipp. 6. §. 27. — Qui aqua intercutem laborant, si secantur & aqua confertim effluxerit, omninò intereunt. Et 2. §. 51. plurimum & repente vacuare ubiq; periculosum. Est enim nimium naturæ inimicum, ut ibidem subiicit, & vires



ires hinc maximè collabuntur, Quantum autem aquæ educendum, authores exactè non determinant. Fien. *d. l.* primò statim magnam quantitatem educit, usque ad medietatem aut tertiam partem, deinde minus ac minus pro ratione virium.

CIII. Caterùm locus sectionis communiter solet eligi in latere, spatio trium digitorum infra umbilicum, & in dextro quidem si lien laborat, in sinistro si epar. Interdum autem & in ipso umbilico sectio fieri posset, monstrante præsertim ipsâ naturâ illam viam. V. Laurent. *lib. 1. Anat. cap. 8. q. 16.* Valleriol. *lib. 4. obs. cap. 3.* Beniven. *cap. 12. de abd. morb. caus.* Forest. *l. 19. obs. 23.* Olw. Gabelhof. *apud Schenck. Vid. lib. 10. cap. 5.* Hildan. *cent. 2. obs. 58.* Hœchstet. *decad. 1. cas. 10.* Author quoq; *lib. de int. aff.* circa umbilicum urit. 2 Auth. *lib. de aff. sit sectio vel juxta umbilicum vel retrò juxta lia.* Quomodo verò sectio instituenda, quibus instrumentis, & quâ ratione foramen iterum benè claudendum, optinè tradunt Albucasis *lib. 2. chirurg. cap. 54.* Ambr. Pareus *lib. 7. cap. 17.* Th. Fienus *chirurg. tr. 6. cap. 4. & 5.* Sennert. *intit. lib. 5. p. 1. s. 2. c. 7.* quæ ibi videantur.

CIV. Deinde aquam evacuare valent vesicatoria, scarificationes & setacea tam ventri quàm partibus inferioribus applicata. Et quidē novaculâ undiquaque cutem incidere in Græciâ suo adhuc tempore usitatum fuisse Al. Benedictus scribit *lib. 15. cap. 40.* Auth. *lib. de int. aff.* per acuto scalpello & crebris vulnusculis pertundit scrotum & semora. Et Avicen. *quandoq; pungimus inflaturam testiculorum cum acubus multis, ut aqua habeat resudationes plurimas,* quod de setaceo potest intelligi. Ita & scroti perforationem commendant Platerus & Massarias. V. quoq; Guil. Fabric. *cent. 1. obs. 48.* Crurum verò scarificationis etiam Gal. mentionem facit *lib. 9. de comp. med. sec. loc. cap. 3.* & Aëtius re-



*trabl. 3. serm. 2. cap. 20.* ita nonnunquam sponte naturæ aqua ad pedes vergit & destillat. Vid. *lib. 10. c. 5. de cur. membr.* Per vesiculas in digitis pedum obortas magnam vim aqua profusam fuisse ægro reconvalescēte, observavit Al. Benedict. *l. c.* ex præcis ipsis unguibus aquam effluxisse cum salute ægri, Scholiogr. *ad cap. 39. lib. 1. Holler. de morb. int.* Vñtionem per errorem excitatâ vesicâ in crure atq; ex eadem copia aqua effluente vindicatum fuisse ab hydrope adolescentem, Schenck. *lib. 3. obs. 242.* Casp. Hofman. *lib. 3. conf. 30. apud Scholiz.* Cauteria quoque & vesicatoria nonnunquam cum fructu applicari itidem observatum, Passchal. *lib. 1. cap. 44. Meth. cur.* Hofman. *l. c.* Fernel. *conf. 32.* Verum ut hæc curatio feliciter interdum succedat, magna tamen adhibenda cautio, ne gangræna aut sphacelus oboriatur. V. Lud. Septal. *animadv. med. lib. 7. num. 56.* Guil. Fabr. *Cent. 1. obs. 49.* Guarini. *conf. 563.*

CV. Atq; ita chirurgicâ ope aqua educi solet: nunc porro videndum, quomodo eadem medicamentis evacuari possit sive per vomitum, sive per alvum, sive vesicam, sive spiracula cutis. Et vomitum sunt qui commendant, interq; illos Avicen. *ex eis quæ conferunt, est vomitus* & observatum ex vomitu in mari quendam ab hydrope liberatum, Forest. *lib. 19. obs. 29. schol.* alium binis vomitionibus spontaneis magnâ aquæ vi profusâ convaluisse, Marcel. Donat. *hist. mirab. lib. 4. cap. 21.* Verum non semper tuto provocari vomitus solet ob impendentem dyspnœam, & præcordiorum angustiam præcipuè jam morbo confirmato V. § 23. sunt enim ascitici aliàs *δυσπνœϊς*, eò quòd musculi abdominis non possint rectè cooperari.

CVI. Commodius per alvum aqua evacuatur, quò etiam natura sæpe ducere solet. Sed cavendum & hîc ne fluxum ventris, corpus nimium commovendo concite-

mus,



us, præcipuè ubi vires debiles sunt. Cæterum non o-  
us est multa præparantia hîc præmittere, cum materiae-  
acuanda coctionem nullam recipiat, & per se satis tenuis  
it & ad fluendum apta, & plerumq; viæ quoq; humore sic-  
tis laxatæ. Si quæ tamen materia crassior circa primas vi-  
s hæreat, illa abstergenda & incidenda, quò faciunt medi-  
amenta, quæ aliàs in hydropes exhiberi solent.

CVII. Sunt autem hydragoga alia mitiora alia for-  
iora. Ad illorum classem referuntur sambucus, ebulus,  
præsertim succus eorum & extractum, flor. persic. solda-  
nella seu brassica marina. Item rad. mechoacan. resin.  
gialap. scammon. gum. gotte seu Cambadiæ. Fortiora sunt  
succus iridis nostratis, cucum. agrest. & ejus succus seu e-  
aterium, lathyris, esula major pityusa Dioscoridis (sed  
quæ hodie ab usu recessit) esula minor, gratiosa, meze-  
reum, euphorbium, sagapenum. Composita sunt elect. In-  
lum maj. elecscoph. benedicta simpl. diacartham. diatur-  
bith cum rhab. & hier. picr. troch. Alhand. oxymel Hel-  
eb. majus Gesn. hydragoga Renodæi, Heurnij, Fernelij  
majus & minus, pulvis contra hydropem Eraſti, Querce-  
ani &c: sed hæc omnia nunc examinare & nimis longum  
& nullum operæ pretium fuerit.

CIIX. De fortioribus tamen catharticis sciendum,  
æpius illa plus nocere, quam prodesse. Sunt enim nimis  
calida & colliquandi ac conturbandi vim habent insignem,  
unde non solum ipsum hydropem augeri, sed & diarrhoe-  
as lethales accelerari necesse est. Et verò cum veteres ple-  
rique ejusmodi fortibus medicamentis fuerint usi, non est  
mirandum, quare tam pauci ex hydropicis sanitati fuerint  
restituti, neq; enim Græci (inquit Cardan ad progn. 1. lib. 2.  
Hipp.) referunt suâ curâ agros sanari: quinimo vix unum inter  
innumeros evasisse testantur. V. etiam Ballon. Epid. 1. p. 43.



**CIX.** Deinde notandum, etsi *Auth. lib. de aff. bilien* in hydrope minimè esse movendam scribat, & *Gal. lib. de med. purg. fac. cap. 2.* medicamenta, quæ flavam & nigram bilem purgant, hydropicis dare inutile esse dicat; tamen cum obstructionis etiam viscerum ratio sit habenda, læpe illis hydragogis medicamenta, quæ simul alios quoq; humores evacuare valent, admisceri, utiliterque hydropicis propinari. Ita Rhabarbari usum in hydrope maximè commendant *Guil. Placent. & Erasius.* Et refert *Adolph. Occo apud Schelz in Epist.* hydropicum quendam ferè desperatum ex usu rhabarbari quotidiano optimè convaluisse. Ita etiam fol. senæ, turbith, aloë, diagrid. agaric. elleb. alb. & nig. & pleraque etiam composita supra relata non sine insigni fructu hydropicis sæpe exhibentur.

**CX.** Quod si fæces quocunq; modo restagnent, aut dolor in ilibus percipiatur, satius est per clysteres viam facere. Sæpe quoque his ipsis angustia præcordiorum accurritur, dum materia præcipueque flatus hoc modo deorsum revelluntur. Possunt autem parari clysteres ex herbis emollientibus, folijs ebuli, soldanel. centaur. min. sem. cartham. foenic. cumin. baccis lauri &c. *Paulus etiam in mulieribus hydropicis pessum utitur lib. 3 cap. 48. ut & Aët. 1. libr. 3. serm. 2. cap. 26.* Præterea & extrinsecus ventri medicamenta applicari solent, quæ eum relaxare, & serosos humores educere valent, componunturq; ex succo irid. sambuc. cyclam. ebuli &c. Et habentur in eum usum etiam composita, Vng. de Arthanit. de lathyride, Vng. umbilicale *Andernaci, Varandæi &c.* sed tamen & hic delectus habendus, nec sine discrimine omnibus hydropicis illa applicanda.

**CXI.** Magno deinde cum fructu diuretica exhiberi solent, ut quæ non solum materiam serosam, quæ in venis adhuc continetur & ad ventrem confluxura est, derivare  
sed



et etiam illam ipsam, quæ in abdominis cavitate res-  
tat in venas resorbere atque evacuare possunt. Ita Ron-  
d. *cap. 36. meth. cur. morb. lib. 2.* mulierem hydropicam vi-  
t per urinæ fluxum sanari. Et Wier. *de prestig. demon.*  
*3. cap. 35.* historiam refert de hydropico quodam inopi-  
tò restituto exhausto pulvere bufonum, quem uxor  
imptum pertæsa illi propinârat ad finiendum tedium  
æ, exoneratâ enim per vesicam saburrâ aqueâ convaluit  
æter conjugis expectationem. Eandem historiam etiam  
plenand. *f. 5. conf. 15. §. 19.* recenset. Habent etiam hoc  
ommodi diuretica, ut possint viscera ab obstructionibus  
perare, ideoq; sæpius exhibenda. Nocent tamen in anasto-  
osi venarum & colliquatione humorum.

CXII. Parantur autem ejusmodi diuretica ex pe-  
osel foenic. asparag. dauco, fefeli, pulegio, linaria, ex rad.  
ij, valerian. asari, gramin. vincetox. pimpinel. sem. hype-  
c. alkekengi, 4. frig. maj. bacc. junip. sale absinth. foenic.  
nistæ, gratiol. urinarum, lign. sassafras, verm. terr. E com-  
positis sunt spec. diacurcum. dialac. troch. de lacca, de  
abarb. de cappar. & quæ sunt, hujus sortis alia sive sim-  
icia sive composita, quorum longum catalogum recen-  
t Aëtius *retrabl. 3. serm. 2. cap. 26.* ex Archigene, Oribasio,  
ijs. Quidam hîc etiam cantharides commendant, secuti  
uthorem *lib. de rat. vict. in acut. & Auth. lib. de int. aff.* ut  
Galen. *2. de antid. cap. 7.* Et Capivac. multos desperatos  
antharidum usu restitutos fuisse scribit. Verùm omni-  
s hîc magna cautio est adhibenda, cùm nonnunquam  
ne vesica exulcerari soleat. V. Dodon. *de med. fac. cap. 7.*  
allon. *2. Epid. p. 190.*

CXIII. Multi etiam sudores eliciunt, & in cum fi-  
em non solum interna (in quorum numero sunt diure-  
ca quædam, quibus addi solent fl. sambuc. & ebul & ex



his Parati spiritus & sales, vincetox. dulcamara, rad. 5. aperient. decoctum lign. guajac. & sassafr. imò theriac. & mithrid.) sed & externa commendant, ut balneum Laconicum, cujus structuram Vitruv. describit. *lib. 5. cap. 5.* Mercurial. *de re gymnast. V.* & Celsus *lib. 2. cap. 17.* Vaporarii doctiarii mentionem facit Gal. *de us. resp. cap. 4.* Thermas passim laudant. Quidam etiam hydropicos eo fine in arenâ sepeliunt, cineribusq; calidis, aut acervo frumenti. Verùm etsi hic evacuandi modus in anasarca possit concedi, in ascite tamen eundem minimè convenire præclarissimi medici monent, inter illos Guarin. *cons. 563. de educendo humore per sudores*, ego non ita facilè determinarem, nisi per superiorem operam (paracenthesin) fuerit prius deductus: neurbationem & fusionem humor accipiens periculum majus vitæ afferat, quemadmodum in aliis observavi, qui sub sudoribus, alva confidente, credebantur sanescere, tamen citius interiere. Et Plater *rr. 3. pract.* in ascite per vim sudores elicere incommodum nonnunquam, imò noxium esse scribit. Cùm enim ejusmodi diaphoretica sint admodum calida, & verò ipsi ascitici per se difficulter sudent, facilè hinc viscerum intemperies augeri, ipsiq; ægri in maximam debilitatem deduci possunt. Interim tamen cùm hydropicis maximè ex usu sit corpus habere perspirabile, cum nihil adeo ipsos offendat, quàm densitas pororum, quæ humores congregatos non sinit dissipari, ut loquitur Trallian. porius lenibus frictionibus illi aperiendi. *V. lib. 9. cap. 3.*

CXIV. Præter clysteres, pessos & unguenta illa alvum ducentia, alia etiam topica, quæ rarefaciendo cutem transitum materiæ aquosæ procurare possunt, in usum sunt. Applicari autem illa solent toti ventri, imprimis umbilico & scroto, in formâ fotuum, evaporationum, unguentorum, emplastrorum vel cataplasmatum.

Mareriam



Materiam his medicamentis possunt suppeditare, rad. ebuli, irid. cyclam. scyll. cum aperientibus aliis; herbæ viticis, vincetox. heder. arbor. soldanel. mercur. parietar. chamom. semina staphisagr. cumin. anisi, rutæ, bacc. laur. far. lupin. orob. fænugr. additis stercorebus columb. caprarum &c. ol. laurin. absinth. de lateribus, irin. anethin. rutac. testis item & carne cochlearum. V. Aër. l. c. c. 23. & 24. Trallian. Aegin. l. c. Sunt tamen hæc omnia magna cum cautione applicanda & non nisi præmunitis visceribus, ne nimium exsolvantur. Vnde semper admiscenda, quæ noxam illorum corrigere possunt.

CXV. Interim dum hæc administrantur, non negligenda altera indicatio, quæ consistit in caussarum, ob quas serosi illi humores vel generantur vel coacervantur, remotione. Cum autem illæ variæ sint, non potest quoque scopus eas removendi esse unus idemque. Si itaque simplex intemperies calida, aut phlogosis, simulque & obstructio viscerum adsit, alterantia & aperientia exhibenda, qualia sunt, rad. gram. rad. & fol. cichor. endiv. tarax. scariol. sonchi acetos. sem. 4. frig. mai. & min. syr. acetos. s. & comp. syr. de cichor. s. & cum rhab. & de endiv. Potest etiam hic locum habere absinthium, & quæ ex eo parantur medicamenta. etsi enim illud calidum sit, habet tamen maximam vim viscera ab obstructione liberandi, simulq; ea corroborandi. Si inflammatio aut schirrhus aut alius tumor durus epatis vel lienis aut aliarum partium adsit, remedia, quæ aliàs à Præcticis in illorum morborum curatione præscribi solent, usurpanda. Ita etiam si hydrops morbis acutis, febribus ardentibus, hæcticis, colliquativis succedat, non solum hydropis, sed etiam quàm maximè febrium illarum habenda est ratio. *Neg. enim aqua intercutem cessaverit unquam;*  
nisi



*nisi prius color p. n. defuerit; ut loquitur Trallian. lib. 9*

*cap. 3.*

**CXVI.** Deniq; cùm vires sæpe maximè periclitentur, danda opera, ut illis & idoneis medicamentis & conveniente victus ratione succurramus. Et è medicamentis quidem hîc solent commendari epar lupi, pelliculæ ventriculi gallin. fantala, rhabarb. myrobal. parum tosta, conservæ veron. ros. borrag. bugloss. acetos. Cond. rad. cichor. spec. diarth. abb. diatrion. fantal. arom. ros. magister. corall. & perlar. &c. In victus ratione, quæ parca & moderata hîc esse debet, utendum euchymis & eupeptis à salsis, aromatatis, calidisq; potius temperandum, ne sitis augeatur. diureticis tamen oleribus uti licet, ut petrosel. fænic. &c: quo fine laudatur etiam lac eorum præcipuè animalium, quæ ejusmodi diureticis herbis pascuntur. Potus sit parcissimus; nam omnino ab eo abstinere difficile est. aquæ potus cùm multum seri procreet, noxius, addito tamen aceto utilior est ad sitim extinguendam. Aër vitetur humidus & crassus. somnus sit moderatus. motus corporis multum conducit, modo ægri vires illum permittant. Animi affectus modum non excedant.

Atque hæc quidem pro instituti ratione sufficient.

ΜΟΝΟ ΤΩ ΘΕΩ ΔΟΞΑ:

---

### COROLLARIA.

- I. *Nulla fit consumptio partium corporis solidarum secundum naturam, adeoque hætenus nulla earum nutritio.*
- II. *Calidum nativum non nutritur humido aliquo primigenio aut radicali, utpote quod nullum datur, sed sanguine.*
- III. *Appetitus sensitivus in corde residet, adeoque & principium motus inde accersendum.*